

Sunnigiffimmi angallatit aamma nammineq angallatit pillugit nalunaarut¹⁾

Inatsisikkut nr. 1773, 28. december 2023-meersukkut allanngortinneqartoq inatsimmik nalunaarut nr. 221, 11. februar 2022-meersoq naapertorlugu imaatigut isumannaallisaaneq pillugu inatsimmi § 1, imm. 2 aamma 3, § 3, imm. 1, nr. 1, § 4, imm. 1, § 17, imm. 9, aamma § 32, imm. 9, aamma peqqusummik nalunaarut nr. 1674, 16. december 2015-meersoq naapertorlugu imaatigut isumannaallisaaneq pillugu inatsimmik Kalaallit Nunaannut atuutilersitsineq pillugu peqqusummi § 1, imm. 2 aamma 3, § 3, imm. 1, nr. 1, § 4, imm. 1, § 17, imm. 8, aamma § 32, imm. 2 malillugit, piginnaatitsissutit ilaannik Søfartsstyrelsen-imut nuussineq pillugu aamma naammagittaalliorfissaq il.il. pillugit nalunaarummi nr. 261, 23. marts 2020-meersumi § 1, stk. 1, nr. 3 aamma piginnaatitsissutit ilaannik Søfartsstyrelsen-imut nuussineq pillugu aamma naammagittaalliorfissaq il.il. pillugit Kalaallit Nunaannut nalunaarummi nr. 279, 23. marts 2020-meersumi § 1, imm. 1, nr. 2 naapertorlugu piginnaatinneqarneq malillugu tulluuttut aalajangersarneqarpoq:

Kapitali 1

Aalajangersakkat nalinginnaasut

Atortoq

§ 1. Nalunaarummik matuminnga, § 2, imm. 1-imi allassimasunik tunisassianik kiisalu killilersugaanngitsumik Union-ip iluani angallanneqarsinnaanerannut maleruagassat, sananissaannut aamma sanaartornissaannut piumasaqaatinik aalajangersaasoqarpoq.

Suliassaqarfiit atuuffiusut

§ 2. Nalunaarut manna tunisassianut tulluuttunut atuuppoq:

- 1) Sunngiffimmi angallatit aamma naammassingajallugit sanaat sunngiffimmi angallatit.
- 2) Nammineq angallatit aamma naammassingajallugit sanaat nammineq angallatit.
- 3) Ilanngussaq II-mi allassimasut atortunut pisattat, tamakkua Union-imi immikkoorlutik kaaviiartinneqaleraangata, tulluuttuni taaguuteqassapput »atortunut pisattat«.
- 4) Motor-it siumut ingerlatitsissutit, imaatigut angallatit iluisigut qaavisigulluunniit ikkussuussat imaluunniit ikkussuunnissaannut immikkut naatsorsuussat.
- 5) Motor-it siumut ingerlatitsissutit, imaatigut angallatit iluisigut qaavisigulluunniit ikkussuussat annertuumillu allanngortitigaasut.
- 6) Imaatigut angallatit, annertuumik allanngortillugit sananeqartut.

Imm. 2. Nalunaarut manna tunisassianut tulluuttunut atuutinngilaq:

- 1) Ilanngussaq I-imi immikkoortoq A-mi sananermut aamma sanaartornermut piumasaqaatit eqqarsaatigalugit:
 - a) Imaatigut angallatit, ilaatillugit umiatsiat sungiusarnissamut aalajangikkat, taamatullu fabrik-kiutilimmiit taaguusigaasut, iporsuutit aamma umiatsiat iputtakkat, taamaallaat imaatigut unamminermut sanaajusut.
 - b) Kano-t aamma qaannat, inuup nukingini taamaallaat siumut ingerlateqarnissamut sanaajusut, gondol-it aamma imaatigut cykel-it.
 - c) Surfbræt-it (malitsigut sissami sisoqqatit) anorimik taamaallaat siumut ingerlatillit inummiillu imaluunniit arlalinniit nikorfasunit aquneqartartut.
 - d) Surfbræt-it (malitsigut sissami sisoqqatit).
 - e) Oqaluttuarisaanermut tunngassutillit imaatigut angallatit sanaqqaataasut (original-it) taamaattunillu ataasiakkaatut 1950-i sioqqullugu ilusilersorlugit sananeqartut sanaartoqqitat

pingaarnertullu sanaqqaarnermi sananeqaatinik atugaqarluni sanaajusut fabrik-kiutilimmiillu taamaattuusutut taaguusigaasut.

f) Angallatit misiligaataasut, EU-mi niuffannermut kaaviiartinneqalinngikkallartillugit.

g) Nammineq atugassat imaatigut angallatit tamatuma kingornatigut piffissap ukiunik tallimanik sivisussusillip iluani imaatigut angallatip atugaalerneraniit EU-mi niuffannermi kaaviiartinneqalerneranut.

h) Inuttalersugaasussatut aammalu inuussutissarsiutigalugu ilaasunik angallassisarnissamut naatsorsuussat Imaatigut angallatit, taamaattoq ilaasut amerlassusaat apeqqutaatinnagu imm. 3 takujuk.

i) Immap iluatigut angallatit.

j) Luftpudefartøj-it.

k) Hydrofoilfartøj-it.

l) Aamarsuarnik, aamarsuusinnaasut qaamasunik, qisunnik, uuliamik imaluunniit gas-simik orsussatut atuisut silarlikkut ikummatillit aalamik ingerlatillit imaatigut angallatit..

m) Angallatit Amfibie-t, tassa angallatit, assakaasullit imaluunniit (snescooterit) larvefod-illut, aammalu imaatigullu nunakkullu ingerlasinnaasut.

2) Piumasaqaatit eqqarsaatigalugit ilanngussaq I, immikkoortoq B-mi pujuliornikkut aniatitsineq eqqarsaatigalugu:

a) Motor-it siumut ingerlatitsissutit, tulliuttuni tunisassiani ikkussuutat imaluunniit ikkussuunnissaannut immikkut naatsorsuussat:

i Imaatigut angallatit, taamaallaat imarsiorluni unammissutissatut sanaajusut, taamaattutullu fabrik-kiutilimmiit taaguuserneqartut.

ii EU-mi niuffannermi kaaviiartitsinermit ilaatinneqannginnissaat piumasaqaataalluni, angallatit misiligaataasut.

iii Imaatigut angallatit inuttalersugaanissamut aammalu inuussutissarsiutitut ilaasunik angallassinermut immikkut naatsorsuussaasut, taamaattoq ilaasut amerlassusaat apeqqutaatinnagu, imm. 3 takujuk.

iv Immap iluatigoorutit angallatit (aqqartartut).

v Luftpudefartøj-it.

vi Sisoraataasalerlugit qaatsiartaatit (Hydrofoilfartøjer).

vii Angallatit Amfibie-t, tassa angallatit, assakaasullit imaluunniit (snescooterit) larvefod-illut, aammalu imaatigullu nunakkullu ingerlasinnaasut.

b) 1950-i sioqqullugu sanariaasiusoq tunngavigalugu, tullerriaagaasumik sanaartugaanngitsut, aammalu naqinneq a), nr. v)-mi imaluunniit vii)-mi, eqqartorneqartut imaatigut angallatini ikkussugaasut, oqaluttuarisaanermeersut motor-it original-it aammalu tamakkuninnga ataasiakkaatut sanaqqiinerit.

c) Tamatuma malitsigisaanik, piffissap ukiunik tallimanik sivisussusillip iluani, imaatigut angallatip atugarilernerqarneraniit EU-mi niuffannermut kaaviiarterneqanngippata nammineq atugassatut sanaat, siumut ingerlassutit motor-it.

3) Ilangussaq I, immikkoortoq C-mi nipiliornermik aniatitsisarneq eqqarsaatigalugu piumasaqaatit eqqarsaatigalugit:

a) Naqinneq b-mi eqqartorneqartut imaatigut angallatit tamarmik.

b) Tamatuma malitsigisaanik, piffissap ukiunik tallimanik sivisussusillip iluani, imaatigut angallatip atugarilernerqarneraniit EU-mi niuffannermut kaaviiarterneqanngippata nammineq atugassatut sanaat, imaatigut angallatit.

Imm. 3. Pissutsit, taanna imaatigut angallat aammattaaq attartortitsinermit aammalu timersornermut aamma sunngiffimmi siunertanut ilinniartitsinermit atorsinnaanera, sukisaarsarnermik siunertanut EU-mi niuffannermi kaaviiartinneqalissaguni nalunaarummi susassaqqarfinnut atuuffiusuniit ilaatinneqassanngitsaq isumaqanngilaq.

§ 3. Nalunaarummi matumani tulluuttut ima paasineqassapput:

- 1) Imaatigut angallat: Sunngiffimmi angallat imaluunniit nammineq angallat sunaluunniit.
- 2) Sunngiffimmi angallat: Siumut ingerlatitsissutaasa type-i apeqqutaatinnagit, umiatsiartai 2,5-miit 24 m-ip tungaanut takissusillit, timersornermut- aamma sunngiffimmi siunertanut naatsorsuussat, nammineq imaatigut angallatit ilaatinngagit, imaatigut angallat sunaluunniit type sunaluunniit.
- 3) Nammineq angallat: Siumut ingerlaniarnerminut pingaarnertut imermik tissalutsitsinermit pumpe-mik siumukarnissamut motor-imik atuisoq, 4 m-inik naannerusumik umiatsiartaa takissusilik, timersornermut- aamma sunngiffimmi siunertanut naatsorsuussaasoq aammalu issialluni, nikorfalluni imaluunniit seeqqummeqqalluni angallatip iluaninngaaniinnermiit qaavaniinnerulluni inummit ataatsimit arlalinnilluunniit aqunneqarnissaanut naatsorsuussaq imaatigut angallat.
- 4) Nammineq atugassatut sanaaq imaatigut angallat: Pingaartumik nammineq siunissami atuisussamiit sanaajusoq imaatigut angallat.
- 5) Siumut ingerlatsissut motor-i: Toqqaannartumik imaluunniit toqqaannangitsumik siumut ingerlaniarnermut atornerqartoq, innaallatsitsinikkut- imaluunniit naqitsinikkut ikitsisartumik ikummatilik, motor-i ikummatilik sunaluunniit.
- 6) Motor-ikkut allannguinerit annertuut: Ilanngussaq I, immikkoortoq B-mi pujuliornermik aniatitsinermit naligititaasunik aalajangersakkanik motor-ip qaangiineranik, imaluunniit motor-ip malunnartumik sunniisarneranik 15%-imik annertunerusumik qaffaanermik kinguneqarsinnaasoq siumut ingerlatitsissummi motor-imi allannguut.
- 7) Imaatigut angallammik annertuumik sanaqqiineq: Motor-imik allannguinermit annertuumik nassatalimik, imaluunniit imaatigut angallammik ima allannguitigisoq, allaat nalunaarummi matumani aalajangersagaasunik pingaarutilinnik isumannaallisaanermut- aamma avatangiisinut piumasaqaatinik atuuttunik naammassinninnginnissaanut navianaateqartumik, imaatigut angallammik sanaqqiineq, imaatigut angallatip siumut ingerlatitsissutaanik allannguisoq.
- 8) Siumut ingerlatitsissut: Taanna periaaseq, imaatigut angallammik siumut ingerlatitsisoq.
- 9) Motor-it ilaqutariit: Pujuliornermik aniatitsinermit ilisarnaateqaatit imaluunniit nipuliornermik aniatitsinermit ilisarnaateqaatit eqqarsaatigalugit sanariaatsimi kingunerisaanik imminni assigiissuteqartut fabrik-kiutilimmiit motor-inik eqimattanik tulleriinnilersugaq.
- 10) Angallatip timitaata takissusaa: Assigiissaaneq nalinginnaasoq naapertorlugu uuttugaq angallatip timitaata takissusaa.
- 11) Niuffaffinni pissarsiarineqarsinnaanngortitsineq: Akissarsiaqaateqarluni imaluunniit akissarsiaqaateqarani inuussutissarsiornermit suliffeqarfeqarnermut atatillugu EU-mi niuffaffinnut siammarterineq, atuineq imaluunniit atugaarneq, siunertaralugu tunisassiamik tunniussinermit sumilluunniit suliaqarneq.
- 12) Kaaviiartitsinermit ilaalersitsineq: Tunisassiamik, EU-mi niuffannermit, pissarsiarineqarsinnaalersitsineq siulleq.
- 13) Atugaatilersitsineq: Nalunaarummut matumunnga ilaatinneqartup tunisassiap sananeqarnerata isuani Union-imi atuilersussap atuilernera siulleq.
- 14) fabrik-kiutilik: Tunisassiamik sanaartortuusoq imaluunniit tunisassiamik sanatitsisoq imaluunniit sanaartortitsisoq, tunisassiamillu atini imaluunniit nioqqutissiamut meqqi atorlugu tamatuminnga kaaviiartitsilersitsisoq, inuk kinaluunniit imaluunniit inatsisitigut akisussaasuusoq (suliffeqarfusinnaasoq) sunaluunniit.
- 15) Sinniisoq piginnaatitaasoq: Suliassat aalajangersimasut isumaginissaannut atatillugu taanna sinnerlugu niuernissamut fabrik-kiutilimmiit allakkiatut uppersaasikkamik piginnaatitaaffiligaasoq inuk kinaluunniit imaluunniit inatsisitigut akisussaasuusoq (suliffeqarfusinnaasoq) sunaluunniit Union-imi inissitsiteriigaasoq.
- 16) Nunap avataaneersunik nioqqutissanik eqqussuisoq: Inuk kinaluunniit imaluunniit inatsisitigut akisussaasuusoq (suliffeqarfusinnaasoq) sunaluunniit Union-imi inissitsiteriigaasoq aammalu nunat peqatigiit avataanniit EU-mi niuffannermit kaaviiartitsinermit eqqussisoq.

- 17) Nammineq atugassanik nioqqutissanik eqqussuisoq: Inuk kinaluunniit imaluunniit inatsisitigut akisussaasuusoq (suliffeqarfiusinnaasoq) sunaluunniit Union-imi inissitsiteriigaasoq, inuussutissarsiutiginnagu ingerlatamut atatillugu nunat peqatigiit avataanniit tunisassiamik, nammineq atugarinnilernissaq siunertaralugu Union-imut eqqussisoq.
- 18) Nassiussuisartoq: tunisassiamik niuffaffinni pissarsiarineqarsinnaalersitsisartoq fabrik-kiutilik imaluunniit eqqussuisoq pinnagit, pilersueqatigiiaani (forsyningskæde-mi), Inuk kinaluunniit imaluunniit inatsisitigut akisussaasuusoq (suliffeqarfiusinnaasoq).
- 19) Inuussutissarsiortoq: fabrik-kiutilik, piginnaatitaalluni sinniisoq, eqqussuisuusoq aamma nassiussuisartuusoq.
- 20) Pitsaassuseq naleqqussagaasoq: Peqqussummi (EU) nr. 1025/2012-mi ilanngutassiaq 2, imm. 1, naqinneq c-mi pitsaassuseq naleqqussagaasoq.
- 21) Piginnaatitaaffiligaaneq (Akkreditering): Peqqussummi (EF) nr. 765/2008-mi ilanngutassiaq 2, nr. 10)-mi isumasiuusigaasutut piginnaatitaaffiligaaneq (Akkreditering).
- 22) Nuna tamakkerlugu piginnaatitaaffiligaasoq suleqatigiissitaliaq (Nationalt akkrediteringsorgan): Peqqussummi (EF) nr. 765/2008-mi ilanngutassiaq 2, nr. 11-mi isumasiuusigaasutut, nuna tamakkerlugu piginnaatitaaffiligaasoq suleqatigiissitaliaq (Nationalt akkrediteringsorgan).
- 23) Naapertuutissusermik naliliineq: Nalunaarummi matumani tunisassiamut piumasaqaatit naammassineqarsimanersut ersersitsiniutitut suliaq.
- 24) Naapertuutissusermut naliliisarnermut suleqatigiissitaliaq: Naapertuutissusermut naliliisarnermut sulianik, ilaatillugit naatsorsueqqissaarnernik, misiligaanernik, allagartartaartitsinernik aamma misissuinernik, suliaqartartoq suleqatigiissitaliaq.
- 25) Utertitsiortorneq: Tunisassiamik, tunisassiornerup isuani naggataagut atuisumut pissarsiarineqarsinnaanngorteriigaasunik utertitsinissamik anguniaanermik siunertaqartoq, iliuuseqarneq sunaluunniit.
- 26) Tuniniagaasussaaajunnaarsitsineq: Pilersueqatigiiaani tunisassiap niuffaffimmi pissarsiarineqarsinnaanissaanik pitsaaliuineramik siunertaqartoq, iliuuseqarneq sunaluunniit.
- 27) Niuffannermik alapernaarsuineq: Tunisassiat Union-imi naleqqussaarnermik inatsisini piumasaqaatinut attuumassutilinnut naapertuunnerat peqqissutsimullu aamma isumannaallisaanermut imaluunniit inuiaqatigiit soqutigisaasa illersorneqarnissaat pillugu attuumassutilinnut allanut ulorianaataanninnerat qulakkeerniarlugu ingerlatat, aammalu pisortani oqartussaasunit sillimmartaarutit suliarineqartartut.
- 28) CE-mik meqqiliineq: meqqiliinermik tamatuminnaga ikkussuineq pillugu Union-imi naleqqussaarnermik inatsisini piumasaqaatinut atuuttunut tunisassiap naapertuunneranut fabrik-kiutillip allattuineragut meqqiliineq.
- 29) Union-imi naleqqussaarnermik inatsisit: Tunisassianik pilerisaarinermut piumasaqaatinik naleqqussaasut, EU-mi eqqartuussivinni (inatsisitigut) malittarisassiat tamarmik.

Piumasaqaatit pingaarutillit

§ 4. Tamakku § 2, imm. 1-imi eqqartorneqartut tunisassiat, taamaallaat, inunnut peqqissusermut aamma isumannaassusermut, pigisanut imaluunniit avatangiisinut, ulorianaateqanngippata siunertaminnut naapertuuttumik eqqortumik aserfallatsaalisaallutik aamma atorneqarlutik, aammalu taamaallaat ilanngussaq I-imi piumasaqaatinik pingaarutilinnik attuumassutilinnik naammassinnippata pissarsiarineqarsinnaalersinneqarsinnaapput imaluunniit atorneqarsinnaalersinnaapput.

Imm. 2. Tamakku § 2, imm. 1-imi eqqartorneqartut tunisassiat, imm. 1-imi piumasaqaatinik naammassinninngippata, niuffaffinni pissarsiarineqarsinnaalersinneqarqussaanngillat imaluunniit atugaalersinneqarqussaanatik.

Imm. 3. Ilanngussaq I-imi, immikkoortut B 2.1 aamma B 2.2, kiisalu C 1-i, ataqatigiiaassuseq pissutigalugu allanneqarput. Sunngiffimmi angallatiniit nipiliornernik- aamma silaannarnik

aniatitsinermit maleruagassiuineq pillugu Miljøstyrelsen-imit nalunaarummi nr. 1690, 2. december 2015-meersumi, immikkoortut naammassineqarput.

Imarsiornermut nuna tamakkerlugu aalajangersakkat

§ 5. Nalunaarut manna naapertorlugu immakkut angallatinik arlaatigut allannguinermit piumasaqaateqassanngitsoq piumasaqaataalluni aammalu aalajangersakkat tamakku pisinnaatitaasut aamma pissutit eqqarsaatigalugit naleqqussagaanissaat piumasaqaataalluni, avatangiisit, imaatigut aqutit attaveqaasersuutaat illersorniarlugit aammalu imaatigut aqutini isumannaallisaaneq qulakkeerniarlugit, imartani aalajangersimasuni EU-mi/EØS-imi nuna ilaasortaasoq, imarsiorneq pillugu aalajangersaanissaanut, nalunaarut manna akorngutaanngilaq.

Killilersugaanngitsumik angalasinnaaneq

§ 6. Nalunaarummut matumunnga naapertuuttut imaatigut angallatit, niuffaffinni pissarsiarineqarsinnaalersinneqarnissaanut imaluunniit suliaasaqarfigisami iluanni atugarilerneqarnissaanut, naalagaaffiit ilaasortaasut akornguseeqqusaanngillat, taamaattoq § 5-i takujuk.

Imm. 2. Ilanngussaq III naapertorlugu, allanit naammassillugu sananeqarnissaanut naatsorsuussaasut, fabrik-kiutilik imaluunniit eqqussuisuusoq nalunaaruteqarpat, ilaannakuusumik naammassisaasut imaatigut angallatit, niuffaffinni pissarsiarineqarsinnaalersinneqarnissaanut, naalagaaffiit ilaasortaasut akornguseeqqusaanngillat.

Imm. 3. Nalunaarummut matumunnga naapertuuttut sananeqaatinut ilaasut, aammalu imaatigut angallatit sannaanut ilaasussatut naatsorsuunneqartut, § 15-mi eqqartorneqartoq fabrik-kiutilimmiit imaluunniit eqqussuisuusumiit nalunaarut naapertorlugu niuffaffinni pissarsiarineqarsinnaalersinneqarnissaanut imaluunniit atugarilerneqarnissaanut, naalagaaffiit ilaasortaasut akornguseeqqusaanngillat.

Imm. 4. Motoorit siumut ingerlatsissutit tulluuttut niuffaffinni pissarsiarineqarsinnaalersinneqarnissaanut imaluunniit atugarilerneqarnissaanut, naalagaaffiit ilaasortaasut akornguseeqqusaanngillat:

- 1) Nalunaarummut matumunnga naapertuuttut imaatigut angallammi ikkussuutaanersut ikkussuutaannginnersulluunniit apeqquaatinnagu motoorit.
- 2) Imaatigut angallatini ikkussugaasut aammalu malittarisassiaq 97/68/EF naapertorlugu type-tut akuerisaasut, imaatigut ilorlikkut aqutitigut angallatinit, qimuttuitsunit aamma qamutinit motoorilinnit allaanerusunit atugassat CI- motorinut trin III A-, III B- imaluunniit IV-mik aniatitsinnaanermut killigititanut naapertuuttut, malittarisassiamut eqqaaneqartumut ilanngussaq I-imi, immikkoortoq 4.1.2-mi aalajangersagaaneratut aammalu ilanngussaq I, immikkoortoq B-mi pujuliornermik aniatitsinerit eqqarsaatigalugit piumasaqaatit pinnagit, maanga nalunaarummut naapertuuttut motoorit.
- 3) Imaatigut angallatini ikkussugaasut aammalu peqqussut (EF) nr. 595/2009 naapertorlugu type-tut akuerisaasut, aammalu ilanngussaq I, immikkoortoq B-mi pujuliornermik aniatitsinerit eqqarsaatigalugit piumasaqaatit pinnagit, maanga nalunaarummut naapertuuttut motoorit.
- 4) Motoorimik tulluarsaasumit inummit suliarineqartoq, fabrik-kiutilimmiit allanneqarsimasoq, ikkussuussinermut ilitersuut naapertorlugu ikkussuunneqaruni, malittarisassiaq 97/68/EF imaluunniit peqqussut (EF) nr. 595/2009 naapertorlugu, pujuliornermik aniatitsinernut piumasaqaatinut sulii motoorip naapertuunnissaanik, qulakkeerinissaq siunertaralugu, taassuma inuup imaatigut angallammut ikkussuunnissaanut motoorimik tulluarsaasup, motorfabrik-kiutilimmiit pissarsiarineqarsinnaasut, qarasaasiami paasissutissat aammalu paasissutissat allat eqqarsaatigalugit tamanna pisissasoq qulakkiissagaa piumasaqaataalluni, immikkoortoq siulleq, naqinneq b aamma c, atorneqarput. § 15-mi eqqartorneqartutut, motoorimik tulluarsaasup inuup taassuma, fabrik-kiutilimmit allanneqartutut, motoorimik tulluarsaasumit inummit suliarineqartoq ikkussuunnissaanut

ilitersuut naapertorlugu ikkussuunneqarpat, malittarisassiaq 97/68/EF imaluunniit peqqussut (EF) nr. 595/2009 naapertorlugu, pujuliornermik aniatitsinernut piumasaqaatinut motoori sulii naapertuuttoq nalunaarutigissavaa.

5) Tuniniagassanik saqqummersitsivinni aamma qimerluugassanik saqqummersitsivinni, takutitsinerni aamma aaqqissuussani assingusuni allagartalersimanissaa tunisassiat pineqartut nalunaarummut matumunnga naapertuutinnginnerat, aammalu naapertuutsitsinermik takkuttoqanngikkallartillugu Union-imi pissarsiarineqarsinnaalersinneqarsinnaanngitsut atugarilerneqarsinnaanngitsullu, erseqqissumik allassimanissaa piumasaqaataalluni, § 2, imm. 1-imi eqqartorneqartut, kisianni nalunaarummut matumunnga naapertuutinngitsut tunisassiat takutinneqarnissaannut, naalagaaffiit ilaasortaasut akornguseeqqusaanngillat.

Kapitali 2

Inuussutissarsiortut aamma eqqussuisartut namminersortut pisussaaffii

Inuussutissarsiortut pisussaaffii

§ 7. Niuffannermut tunisassiani kaaviiarterunigit, § 4, imm. 1-imi aamma ilanngussaq I-imi piumasaqaatinut naapertuuttumik sananeqarsimanissaat aammalu sanaartorsimanissaat fabrikkiiutillip qulakkiissavaa.

Imm. 2. § 25 naapertorlugu fabrikkiiutilik teknikkikkut allakkiamik uppersaasiamik piumasaqaataasumik suliaqassaaq aammalu §§ 19-22 aamma § 24 naapertorlugit taassuminnga naapertuutissusermik naliliisarnermut suleriaatsimik attuumassutilimmik naammassissalluni imaluunniit naammassititsissalluni.

Tunisassiap piumasaqaatinut atuuttunut naapertuunna suleriaatsikkut taamaattukkut allakkiamik uppersaaserneqareerpat, § 15-i naapertorlugu, fabrikkiiutilik nalunaarummik suliaqassaaq, aammalu § 17 aamma § 18-mi allassimasutut meqqilerlugulu CE-mik meqqilerlugu.

Imm. 3. § 15-i naapertorlugu fabrikkiiutillip teknikkikkut allakkiamik uppersaasiaq tamatuminngalu nalunaarummik assilisaaq, tunisassiap kaaviiartinneqalernerata kingorna ukiuni qulini toqqorsimatissavaa.

Imm. 4. Tunisassiornermik serie-t naapertuuttuarnissaannut qulakkeerinnissutissanik suleriaatsinik peqarnissaa, fabrikkiiutillip qulakkiissavaa. Pisariaqartitsineq naapertorlugu tunisassiamut naapertuutissusermut nalunaarummut tunngaviusut, tunisassiap sananeqaataani imaluunniit ilisarnaataani allannguutit aamma pitsaassutsinut naleqqiussinerni allannguutit eqqarsaatigineqartassapput. Tunisassiamut attuumassutillit ernumanaatit malitsigisaannik, siunertamut naapertuuttutut isigineqarpat, atuisut peqqissusaannik aamma isumannaallisaavigineqarnerannik illersuinissaaq siunertaralugu, fabrikkiiutilik, niuffaffinni pissarsiarineqarsinnaalersinneqareersuni, tunisassianik misiliutissanik tiguisarnernik suliaqartassaaq, misissuisassalluni, pisariaqassappallu naammagittaalliutit, piumasaqaatinik naammassinninngitsut tunisassiat aammalu tunisassianik utertitseqqussutit pillugit nalunaarsuusiortassalluni, nassiusuisartullu alapernaarsuineq taamaattoq pillugu ilisimatittassallugit.

Imm. 5. Tunisassiami type-mik-, nassiussoqatigiissanut- imaluunniit serie- normumik imaluunniit allatut allatamik tamakkua ilisarineqarsinnaanissaannut ikiuutaasumik, peqartinnissai fabrikkiiutillip qulakkiissavaa imaluunniit, tamanna, atortup ilaata angissusaanik imaluunniit suussusaanik peqquteqartumik periarfissaqanngippat piumasaqaataasut paasissutissat puuini ersersinneqarsinnaanngippata, allakkiamik uppersaasiamik tunisassianut malitsigitinneqartumik peqartinnissaat qulakkiissallugu.

Imm. 6. Fabrikkiiutillip aqqa, suliffeqarfiutaata taaguutaa nalunaarsugaasoq imaluunniit nioqutissanut meqqi nalunaarsugaasoq aamma attavissamut najukkap allassimaffia, tunisassiami imaluunniit tamanna ajornarpat, puuani imaluunniit tunisassiamut ilagitillugu allakkiamik

uppnarsaasiami ersittassapput. Najukkamut allassimaffik tassaassaaq, fabrikkiutillip attavigneqarsinnaaffia, sumiiffik ataaseq.

Imm. 7. Naalagaaffimmit ilaasortaasumit pineqartumit aalajangersagaasutut atuinissamut ilitersuummik aammalu atuakkami ilitersuummi, isumannaallisaanermut ilisimatitsissutinik, oqaatsinik ataatsinik imaluunniit arlalinnik, atuisunut allanullu kingullertut atuisussanut paasiuminartumik, tunisassiaq ilaqartinneqassasoq fabrikkiutillip qulakkiissavaa.

Imm. 8. Fabrikkiutillip, nammineq kaaviiartilikkani, tunisassiaq nalunaarummut matumunnga naapertuutinngitsoq, paasiguniuk imaluunniit pasitsaassinissamut tunngavissaqaruni pineqartoq tunisassiaq inatsisinut naapertuuttunngorsarniarlugu imaluunniit pisariaqassappat niuffannermit tunuartissallugu imaluunniit utertinnissanut fabrikkiutillip iluarsissutissatut iliuusissanik aalajangersaassaaq. Aammattaaq tunisassiaq navianaateqarpat, tamanna pillugu fabrikkiutillip tunisassiamik pissarsiarineqarsinnaalersitsiffigisamini, pingaartumik tamanna inatsisinut naapertuutinngisitsissut pillugu sukumiinerusumik paasissutissiissutigissavaa, aammalu fabrikkiutillip iluarsissutissat aalajangersagai pillugit piginnaatitaasunik naalagaaffinni ilaasortaasuni nuna tamakkerlugu oqartussaasunik ingerlaannaq taanna ilisimatitsissalluni.

Imm. 9. Piginnaatitaasup nuna tamakkerlugu oqartussaasuusup tunngavilimmik qinnuteqarnera tunngavigalugu, oqartussaasuusumut oqaatsinik oqartussaasunut paasiuminartut atorlugit tunisassiap inatsisinut naapertuunnera paasiniaarlugu paasissutissat aamma allakkiatut uppnarsaasiissutit pisariaqartut fabrikkiutillip tunniutissavai. Oqartussaasuusup qinnutigippagu tunisassiap kaaviiartilernerneqarsimasup navianaatai pillugit navianaatit pinngitsoortinniarlugit aalajangersarneqartut iliuusissat pillugit, fabrikkiutillip taanna suleqatigissavaa.

Sinniisut piginnaatitaasut

§ 8. Fabrikkiutilik, allakkatigut piginnaatitsinermigut, sinniisumik piginnaatitassamik toqqaasinnaavoq.

Imm. 2. § 7, imm. 1-i naapertorlugu pisussaaffiit aamma teknikkikkut allakkianik uppnarsaasiinernik suliaqarnerit, sinniisuusup piginnaatitaasup piginnaatitaaneranut ilaasinnaangillat.

Imm. 3. Piginnaatitaasup fabrikkiutilimmiit tigusani, piginnaatitsissummi aalajangersagaasut suliaasat, sinniisup suliarisassavai. Piginnaatitsissut minnerpaamik piginnaaniligaasumik sinniisumik tulluuttunik suliaqarsinnaatitaavoq

1) § 15-i naapertorlugu nalunaaruteqarnerup assilineranik isumaginnissalluni aammalu tunisassiap kaaviiartilernerneqarnerata kingorna ukiuni qulini, teknikkikkut allakkiamik uppnarsaasiap nuna

tamakkerlugu niuffannermik alapernaarsuinerlut oqartussaasumut pissarsiarineqarsinnaatissallugu,

2) nuna tamakkerlugu oqartussaasup piginnaatitaasup qinnuteqarnera tunngavigalugu tunisassiap inatsisinut naapertuunnerata paasinissanut pisariaqartut ilisimatitsissutit aamma allakkiatut uppnarsaasiinernit tamaasa tunniutissallugit aamma

3) oqartussaasuusut piginnaatitaasut qinnutigippassuk tunisassiat piginnaatitaaneranut ilaatinneqartut navianaataat pillugit navianaatit pinngitsoortinniarlugit aalajangersarneqartut iliuusissat pillugit, taakku suleqatigissallugit.

Nioqqutissanik eqqussuisartut pisussaaffii

§ 9. Nioqqutissanik eqqussuisartoq tunisassianik taamaallaat piumasaqaatinik naammassinnittunik Union-imi niuffaffinni kaaviiartitsilersinnaavoq.

Imm. 2. Nioqqutissanik eqqussuisup, tunisassiaq kaaviiartilersinneqartinnagu, fabrikkiutillip naapertuutissusermik naliliinermik suleriaatsimik attuumassutilimmik naammassinnereersimanissaa taassuma qulakkiissavaa. Fabrikkiutilik teknikkikkut allakkiamik uppnarsaasiamik suliaqareersimassasoq, § 17-i naapertorlugu CE-mik meqqiligaassasoq, aammalu § 15 aamma ilanngussaq I-imi, immikkoortoq A, immikkoortoq 2.5, ilanngussaq I-imi, immikkoortoq B, immikkoortoq 4, aamma ilanngussaq I-imi, immikkoortoq C, immikkoortoq 2, naapertorlugit

piumasaqaataasumik allakkiamik uppersaasiamik ilaqartinneqarnissaa aammalu fabrikkutillip § 7, imm. 5 aamma 6-mi piumasaqaataasut naammassisimassagai, nioqqutissanik eqqussuisup qulakkiissavai.

§ 4, imm. 1-imi, aamma ilanngussaq I-imi piumasaqaatinut tunisassiaq naapertuutinngitsoq, nioqqutissanik eqqussuisartup paasiguniuk imaluunniit pasitsaassinissamut tunngavissaqaruni, piumasaqaatinut atuuttunut taanna naapertuutilersinneqareertinnagu, pineqartup tunisassiaq kaaviiartinneqalerseqqusaanngilaa. Tamatuma saniatigut tunisassiaq aarlerinaateqarpat, nioqqutissanik eqqussuisartup fabrikkutilik kiisalu niuffannermut alapernaarsuineramik oqartussaasut tamanna pillugu kalerrissavai.

Imm. 3. Nioqqutissanik eqqussuisartup aqqa, suliffeqarfiutaata taaguutaa nalunaarsugaasoq imaluunniit nioqqutissanut meqqia aamma attaveqarfissatut najugaq, tunisassiami ersissapput imaluunniit atortut ilaannut atatillugu tamanna ajornarpat, puuani imaluunniit allakkiamik uppersaasiamik tunisassiamut ilagitinneqartumi ersissapput.

Imm. 4. Naalagaaffimmit ilaasortaasumit pineqartumit aalajangersagaasutut atuinissamut ilitsersuummik aammalu atuakkami ilitsersuummi, isumannaallisaanermut ilisimatitsissutinik, oqaatsinik ataatsinik imaluunniit arlalinnik, atuisunut allanullu kingullertut atuisusanut paasiuminartumik, tunisassiaq ilaqartinneqassasoq nioqqutissanik eqqussuisartup qulakkiissavaa.

Imm. 5. Taassuma akisussaaffigisaanut tunisassianut toqqorsimatitsinermut- aamma assartuinermit piumasaqaatit § 4, imm. 1, aamma bilag I-imi piumasaqaatinut naapertuunnerat ulorianartorsiortinneqannginnissaa nioqqutissanik eqqussuisartup qulakkiissavaa.

Imm. 6. Tunisassiamut attuumassutillit ernumanaatit malitsigisaannik, siunertamut naapertuuttutut isigineqarpat, atuisut peqqissusaannik aamma isumannaallisaavigineqarnerannik illersuinissaq siunertaralugu, nioqqutissanik eqqussuisartoq, niuffaffinni pissarsiarineqarsinnaalersinneqareersuni, tunisassianik misiliutissanik tigusisarnernik suliaqartassaaq, misissuisassalluni, pisariaqassappallu naammagittaalliutit, piumasaqaatinik naammassininngitsut tunisassiat aammalu tunisassianik utertitseqqussutit pillugit nalunaarsuusiortassalluni, nassiussuisartullu alapernaarsuineq taamaattoq pillugu ilisimatittassallugit.

Imm. 7. Nioqqutissanik eqqussuisartup, nammineq kaaviiartilikkani, tunisassiaq nalunaarummut matumunnga naapertuutinngitsoq, paasiguniuk imaluunniit pasitsaassinissamut tunngavissaqaruni pineqartoq tunisassiaq inatsisinut naapertuuttunngorsarniarlugu imaluunniit pisariaqassappat niuffannermit tunuartissallugu imaluunniit utertinnissaanut fabrikkutillip iluarsissutissatut iliuusissanik aalajangersaassaaq. Aammattaaq tunisassiaq navianaateqarpat, tamanna pillugu nioqqutissanik eqqussuisartup tunisassiamik pissarsiarineqarsinnaalersitsiffigisamini, pingaartumik tamanna inatsisinut naapertuutinngitsitsissut pillugu sukumiinerusumik paasissutissiissutigissavaa, aammalu Nioqqutissanik eqqussuisartup iluarsissutissat aalajangersagai pillugit piginnaatitaasunik naalagaaffinni ilaasortaasuni nuna tamakkerlugu oqartussaasunik ingerlaannaq taanna ilisimatitsissalluni.

Imm. 8. § 15-i naapertorlugu nalunaarutip assiliner, tunisassiap kaaviiartinneqalersinneqarnerata kingorna, nioqqutissanik eqqussuisartup ukiuni qulini toqqorsimatissavaa, taamaalilluni niuffaffinnut alapernaarsuineramik oqartussaasunut pissarsiarineqarsinnaaqqullugu aammalu qulakkeerlugu taanna teknikkikkut allakkiamik uppersaasiaq taakku tamanna pillugu qinnuteqassappata, oqartussanut tamakkununga pissarsiarineqarsinnaatissallugu.

Imm. 9. Piginnaatitaasup nuna tamakkerlugu oqartussaasuusup tunngavilimmik qinnuteqarnera tunngavigalugu, oqartussaasuusumut oqaatsinik oqartussaasunut paasiuminartut atorlugit tunisassiap inatsisinut naapertuunnera paasiniarlugu paasissutissat aamma allakkiatut uppersaasiissutit pisariaqartut nioqqutissanik eqqussuisartup tunniutissavai. Oqartussaasuusup qinnutigippagu tunisassiap kaaviiartilernerqarsimasup navianaatai pillugit navianaatit pinngitsoortinniarlugit aalajangersarneqartut iliuusissat pillugit, nioqqutissanik eqqussuisartup taanna suleqatigissavaa.

Nassiussuisartup pisussaaffii

§ 10. Nalunaarummi matumani piumasaqaatit eqqarsaatigalugit pisariaqartumik peqqissaarussilluni, niuffaffimmi tunisassiamik pissarsiarineqarsinnaalersitsigaangami, nassiussuisartuq niuertarpoq.

Imm. 2. Tunisassiamik niuffaffimmi pissarsiarineqarsinnaalersitsisinnani, § 7, imm. 7, § 15 aamma ilanngussaq I-i, immikkoortoq A, immikkoortoq 2.5, ilanngussaq I-i, immikkoortoq B, immikkoortoq 4, aamma ilanngussaq I-i, immikkoortoq C, immikkoortoq 2 naapertorlugu piumasaqaataasoq, § 17-i naapertorlugu CE-mik meqqiligaanersoq, allakkiamik uppersarsaasiamik ilaqartinneqarnersoq, aammalu oqaatsinik ataatsinik arlalinnilluunniit atuinissamut ilitersuutitaqassasoq aamma isumannaallisaanermut ilisimatitsissutitaqarluni, niuffaffimmi tunisassiap pissarsiarineqarsinnaalersinneqarfiani atuisunut allanullu naalagaaffimmi ilaasortaasumi kingullertut atuisussanut paasiuminartumik, aammalu fabriikkiutillip aamma nioqutissanik eqqussuisartup § 7, imm. 5 aamma 6, aamma § 9, imm. 3-mi piumasaqaatinik naammassinnissimanissaanik nassiussuisartuq nakkutilliisassaaq.

Imm. 3. § 4, imm. 1-imi, aamma ilanngussaq I-imi piumasaqaatinut tunisassiaq naapertuutinngitsoq, nassiussuisartup paasiguniuk imaluunniit pasitsaassinissamut tunngavissaqaruni, piumasaqaatinut atuuttunut taanna naapertuutilersinneqareerpat aatsaat, pineqartup tunisassiaq niuffannermi kaaviiartinneqalerseqqissinnaavaa. Tamatuma saniatigut tunisassiaq aarlerinaateqarpat, nassiussuisartup fabriikkiutilik kiisalu niuffannermut alapernaarsuineramik oqartussaasut tamanna pillugu kalerrissavai.

Imm. 4. Taassuma akisussaaffigisaanut tunisassianut toqqorsimatitsinermut- aamma assartuineranut piumasaqaatit § 4, imm. 1, aamma bilag I-imi piumasaqaatinut naapertuunnerat ulorianartorsiortinneqannginnissaa nassiussuisartup qulakkiissavaa.

Imm. 5. Nassiussuisartup, nammineq pissarsiarineqarsinnaalersitani, tunisassiaq nalunaarummut matumunnga naapertuutinngitsoq, paasiguniuk imaluunniit pasitsaassinissamut tunngavissaqaruni pineqartoq tunisassiaq inatsisinut naapertuuttunngorsarniarlugu imaluunniit pisariaqassappat niuffannermiit tunuartissallugu imaluunniit utertinnissaanut fabriikkiutillip iluarsissutissatut iliuusissanik aalajangersaassaaq. Aammattaaq tunisassiaq navianaateqarpat, tamanna pillugu nioqutissanik eqqussuisartup tunisassiamik pissarsiarineqarsinnaalersitsiffigisamini, pingaartumik tamanna inatsisinut naapertuutinngisitsissut pillugu sukumiinerusumik paasissutissiissutigissavaa, aammalu nassiussuisartup iluarsissutissat aalajangersagai pillugit piginnaatitaasunik naalagaaffinni ilaasortaasuni nuna tamakkerlugu oqartussaasunik ingerlaannaq taanna ilisimatitsissalluni.

Imm. 6. Piginnaatitaasup nuna tamakkerlugu oqartussaasuusup tunngavilimmik qinnuteqarnera tunngavigalugu, oqartussaasuusumut oqaatsinik oqartussaasunut paasiuminartut atorlugit tunisassiap inatsisinut naapertuunnera paasiniaarlugu paasissutissat aamma allakkiatut uppersarsaasiissutit pisariaqartut nassiussuisartup tunniutissavai. Oqartussaasuusup qinnutigippagu tunisassiap pissarsiarineqarsinnaalersitami navianaatai pillugit navianaatit pinngitsoortinniarlugit aalajangersarneqartut iliuusissat pillugit, nassiussuisartup taanna suleqatigissavaa.

Pisut fabriikkiutillip pisussaaffiisa Nioqutissanik eqqussuisartumut aamma nassiussuisartumut atuunneri

§ 11. Nioqutissanik eqqussuisartuq imaluunniit nassiussuisartuq nammineq atermigut imaluunniit nioqutissiat meqqiisigut tunisassiamik kaaviiartitsileruni imaluunniit imatut matumani nalunaarummi piumasaqaatinik naammassinninnermik attuinnaasumik tunisassiamik kaaviiartileriikkamik allannguiguni, nioqutissanik eqqussuisartuq imaluunniit nassiussuisartuq, § 7-ilu naapertorlugu fabriikkiutillut pisussaaffiit assingisa ataanniillutik manna nalunaarut eqqarsaatigalugu fabriikkiutillutullusooq isigineqarput.

Nioqutissanik eqqussuisartut namminersortut pisussaaffii

§ 12. Tunisassiap nalunaarummut matumunnga naapertuunnera eqqarsaatigalugit fabrikkiutilik pisussaaffinnik naammassinninngippat nioqqutissanik eqqussuisartup namminersortup, § 7, imm. 2, 3, 7 aamma 9-mi eqqartorneqartut tunisassiamik atuutilersitsitinnani, sananeqaataanik aamma sanaartugaanerani § 4, imm. 1-imi, aamma ilanngussaq I-imi piumasaqaatinut naapertuunneranik kiisalu fabrikkiutillip pisussaaffimminik naammassinninneranik, imaluunniit taamaattut naammassineqarsimanerannik, qulakkeereqqaassaaq.

Imm. 2. Teknikkikkut allakkiamik uppersaasiaq piumasaqaataasoq fabrikkiutilimmi pissarsiarineqarsinnaanngippat, nioqqutissanik eqqussuisartup namminersortup, naleqquttumik ilisimasalimmut.

Imm. 3. Tunisassiap naapertuunneranut naliliinermik suliaqarsimasup oqartussaaffeqarfiup aqqa aamma najugaa, tunisassiami allassimanissaa, nioqqutissanik eqqussuisartup isumagissavaa.

Inuussutissarsiortut kinaassusersineqarnerat

§ 13. Qinnuteqartoqarnera malillugu niuffannermik alapernaarsuineramik oqartussaasunut inuussutissarsiortunit tuliiuttut kinaassusersineqartassapput

1) inuussutissarsiortoq kinaluunniit, taakkununga tunisassiamik tunisaqarsimasooq, aamma

2) inuussutissarsiortoq kinaluunniit, tunisassiamik tunisaqarfigisimasartik.

Imm. 2. Tunisassiap imminnut tunisaanerata kingorna piffissami ukiunik qulinik sivilissusilimmi aammalu tunisassiamik namminneq tunisaqarsimanermi kingorna piffissami ukiunik qulinik sivilissusilimmi immikkoortumi siullermi eqqartorneqartunik paasissutissanik Inuussutissarsiortut saqummiussisinnaasassapput.

Imm. 3. Qinnuteqartoqarneratigut, taanna tunisassiamik imminnut tunisaqarsimasooq inuussutissarsiortoq, niuffannermut alapernaarsuineramik oqartussaasunut, nioqqutissanik eqqussuisartut namminersortut kinaassusersisassavaat.

Imm. 4. Nioqqutissanik eqqussuisartut namminersortut, piffissami ukiunik qulinik sivilissusilimmi tunisassiap imminnut tunineqarsimanerata kingorna immikkoortumi siullermi eqqartorneqartunik paasissutissanik saqummiussisinnaasassapput.

Kapitali 3

Tunisassiap naapertuuttuunera

Naapertuutissusermik naatsorsuutiginninneq

§ 14. Tunisassiat, pitsaassutsinut assigiissaarinernut imaluunniit tamakkua ilaannut naapertuuttut, sanilliussiffissaat Den Europæiske Unions Tidende-mi tamanut saqummiunneqarsimasut, § 4, imm. 1-i, aamma ilanngussaq I-i naapertorlugu pitsaassutsinut tamakkununga imaluunniit tamatuma ilaanut ilaatinneqartunut piumasaqaatinut naapertuunnissaat naatsorsuutigineqarput.

EU-mi naapertuutissusermut nalunaarneq aamma ilanngussaq III naapertorlugu nalunaarneq

§ 15. § 4, imm. 1-imi, aamma ilanngussaq I-imi piumasaqaatit imaluunniit § 6, imm. 4, naqinneq b-mi imaluunniit c-mi eqqartorneqartut, eqqortinneqartut EU-mi naapertuutissusermut nalunaarummi, allakkiaut uppersaasigaasoq ersissaaq.

Imm. 2. Ilanngussaq IV-mi aalajangersugaasoq ilusilersugaq, EU-mi naapertuutissusermut nalunaarutip, malitaa, ilanngussaq II-mi modul-ini attuumassutilinni erseqqissagaasunik aammalu nalunaarummut matumunnga ilanngussaq V-mi aalajangiinermut nr. 768/2008/EF-imut element-inik imaqarpoq, ingerlaavartumillu nutartertagaalluni. Tunisassiap pissarsiarineqarsinnaalerfiani imaluunniit atugaalerfiani naalagaaffimmit ilaasortaasumit piumasaqaataasunut oqaatsinut ataatsinut imaluunniit arlalinnut nutserneqartassaaq.

Imm. 3. § 6, imm. 4, naqinneq b aamma c naapertorlugit, EU-mi naapertuutissusermik nalunaarummik suliaqarnermi, fabrikkiutilik, nioqqutissanik eqqussuisartoq namminersortoq imaluunniit inuk taanna motorimik tulluarsaasoq, tunisassiap piumasaqaatinik atuuttunik eqqortitsineranik qulakkeerisuusarpoq.

Imm. 4. Imm. 3-mi EU-mi naapertuutissusermut nalunaarut, niuffaffinni pissarsiarineqarsinnaalersinneqaraangata imaluunniit atugaaleraangata, tunisassianut tulluuttunut ilaatinneqartarpoq:

- 1) Imaatigut angallatit.
- 2) Atortut, tamakku immikkoortillugit kaaviiialersinneqaraangata.
- 3) Motorit siumut ingerlatitsissutit.

Imm. 5. Ilanngussaq III naapertorlugu imaatigut angallat ilaannakortumik naammassillugu sanaaq pillugu fabrikkiutillip imaluunniit nioqqutissanik eqqussuisartup nalunaarutaa, ilanngussami matumani erseqqissarneqartunik element-inik imaqassaaq, ilaannakortumillu naammassillugit sanaanut imaatigut angallatinut ilaatinneqartassalluni. Tunisassiap niuffaffinni pissarsiarineqarsinnaalerfiani, naalagaaffimmit ilaasortaasumit piumasaqaataasunut oqaatsinut ataatsinut imaluunniit pisortatigoortumik oqaatsinut nutserneqartassaaq.

CE-mik meqqilersuinermit najoqqutassiat nalinginnaasut

§ 16. CE-mik meqqilersuineq, peqqussummi (EF) nr. 765/2008-mi, ilanngutassiami 30-mi, najoqqutassianik nalinginnaasunik malitassaqrarpoq.

CE-mik meqqiligassat tunisassiat

§ 17. Tunisassiat tulluuttut, niuffaffinni pissarsiarineqarsinnaalersinneqaraangamik imaluunniit atugaalersinneqaraangamik, CE-mik meqqilersuisarnermut ilaatinneqarput:

- 1) Imaatigut angallatit.
- 2) Atortut.
- 3) Motorit siumut ingerlatitsissutit.

Imm. 2. Naalagaaffiit ilaasortaasut, tamakku imm. 1-imi eqqartorneqartut tunisassiat, CE-millu meqqilersugaasut, nalunaarummut matumunnga naapertuuttut, naatsorsuutigissavaat.

CE-mik meqqiliinermit maleruagassat aamma piumasaqaatit

§ 18. Ilanngutassiaq 17, imm. 1-imi eqqartorneqartuni tunisassiani, erseqqissumut, atuaruminartillugu aammalu piarneqarsinnaatinnagu, CE-mik meqqeq inissinneqartassaaq. Atortut pineqarpata, tunisassiap pineqartup angissusaata imaluunniit suussusaata malitsigisaanik, tamatumuuna meqqiliisinnaaneq ajornarluni imaluunniit siunertamut naapertuunnani, meqqeq, taakkualu ilagitinneqartut allakkiat uppersaasiat, tunisassiap puuanut inissinneqassapput. Imaatigut angallatit eqqarsaatigalugit, imaatigut angallatip fabrikkiutillip plade-taliussaartigut, imaatigut angallatip ilisarnaatitut normuanit avissaarsimatillugu, CE-mik meqqeq ikkunneqassaaq. Motori siumut ingerlatsissutaappat, CE-mik meqqeq motorip qaavanut inissinneqassaaq.

Imm. 2. Tunisassiaq kaaviiartinneqalersinneqartinnagu imaluunniit atugaalersinneqartinnagu, CE-mik meqqeq inissinneqassaaq. Imm. 3-mi eqqartorneqartunik CE-mik meqqiliinerup aammalu ilisarnaatitut normuliinerup kingorna, piktogram-i (assiliaaraasaliaq paasititsissusiaasoq) imaluunniit immikkut aarlerinaateqarnermut imaluunniit immikkut ittumik atuinissamut nalunaarutaasoq meqqi alla inissinneqassaaq.

Imm. 3. CE-mik meqqileereernerup kingorna, taamaattunik oqartussaaffeqarfimmik, tunisassiornermik suliaqarnermi imaluunniit sanaartorerup kingorna naliliinermi peqataasoqarpat, oqartussaqrarfiup ilisarnaatitut normua allanneqassaaq. Taassuma oqartussaqrarfiup ilisarnaatitut normua taassumangga

nammineq, imaluunniit taassuma ilitsersuineratigut fabrikkimit imaluunniit taassuma piginnaatitaanit imaluunniit tassannga § 19, imm. 2, 3 imaluunniit 4-mi eqqartorneqartumit inummit ikkunneqassaaq.

Kapitali 4

Naapertuutissusermut naliliineq

Naapertuutissusermut nalileeriaatsit atuuttut

§ 19. Tunisassiat § 2, imm. 1-mi eqqartorneqartut kaaviiartinneqalersinnagit, § 20, 21 aamma 22-mi modul-ini aalajangersagaasut, suleriaatsit fabrikkiiutillip atugarissavai.

Imm. 2. Tunisassiamut pineqartumut fabrikkiiutilik naapertuutissusermik naliliinermik ingerlataqarsimanngippat § 2, imm. 1-mi eqqartorneqartumik tunisassiamik atugaalersitsisinnatik nioqqutissanik eqqussuisartut § 23-mi eqqartorneqartoq suleriaaseq atugarissavaat.

Imm. 3. Inuk kinaluunniit motoorimik siumut ingerlatitsissummik imaluunniit imaatigut angallammik imaluunniit annertuumik allannguinerup imaluunniit tamatuminnga allannguilluni sanaqqiinerup kingorna kaaviiartinneqalersitsisoq, imaluunniit inuk kinaluunniit nalunaarummi matumani ilaangitsumut imaatigut angallammik atuinissamik siunertamik, imaalillugu tunisassiaq kaaviiartilersinneqartinnagu imaluunniit atugarineqalersinneqartinnagu, § 23-mi eqqartorneqartoq suleriaaseq atugaralugu atuinissamut susassaqrifiata ataaniilersillugu allannguisoq.

Imm. 4. inuk kinaluunniit imaatigut angallammik nammineq atugassatut sanaamik kaaviiartitassanngortitsisoq, § 2, imm. 2, naqinneq a, nr. vii-mi eqqartorneqartoq piffissaq ukiunik tallimanik sivisussusilik qaangiutsinnagu tunisassiaq kaaviiartilersinneqalersinnagu, § 23-mi eqqartorneqartoq suleriaaseq atussavaa.

Sananeqaatit aamma sanaartorneq

§ 20. Sunngiffimmi angallatinik sanariaatsit aamma sanaartuinerit eqqarsaatigalugit, aalajangiinermut nr. 768/2008/EF-imut ilanngussami II-mi eqqartorneqartut, suleriaatsit tulluuttut atuupput:

1) Ilanngussaq I-mi, immikkoortoq A, immikkoortoq 1-mi eqqartorneqartunut sanariaatsinut immikkoortitikkanut (kategori-nut) A-nut aamma B-nut:

a) 2,5-miit 12 m-init naannerusumik timalinnut sunngiffimmi angallatinut, tulluuttut modul-it ilaat ataaseq:

i Modul-i A1 (suliffeqarfiup iluani tunisassiornermut allattaavik aamma alapernaarsukkamik tunisassianik misiligaaneq).

ii Modul B (EU-mi type-nut misiligaaneq) modul-inut C, D, E imaluunniit F-imut peqatigitillugu.

iii Modul G (ataasiartamut akuersineq tunngavigalugu naapertuunneq).

iv Modul H (tamakkiisumik pitsaassutsimik qulakkeerineq tunngavigalugu naapertuunneq).

b) 12-miit 24 m-imut timitaat takissusilinnut sunngiffimmi angallatinut, tulluuttut modul-it ilaat ataaseq:

i Modul B (EU-mi type-nut misiligaaneq) modul-inut C, D, E imaluunniit F-imut peqatigitillugu.

ii Modul G (ataasiartamut akuersineq tunngavigalugu naapertuunneq).

iii Modul H (tamakkiisumik pitsaassutsimik qulakkeerineq tunngavigalugu naapertuunneq).

2) Ilanngussaq I-mi, immikkoortoq A, immikkoortoq 1-mi eqqartorneqartunut sanariaatsinut immikkoortitikkanut (kategori-nut) C-nut:

a) 2,5-miit 12 m-init naannerusumik timalinnut sunngiffimmi angallatinut, tulluuttut modul-it ilaat ataaseq:

i Ilanngussaq I, immikkoortoq A, immikkoortoq 3.2 aamma 3.3 pillugit pitsaassutsinut assigiissaanerit eqqortinneqarsimappata: modul A (suliffeqarfiup iluani tunisassiornermik

nakkutilliineq), modul A1 (suliffeqarfiup iluani tunisassiornermut allattaavik aamma alapernaarsukkamik tunisassianik misiligaaneq), modul B (EU-mi type-nik akuerinnineq) modul-inut C, D, E imaluunniit F-imut peqatigitillugu, modul G (ataasiartamut akuersineq tunngavigalugu naapertuunneq) imaluunniit modul H (tamakkiisumik pitsaassutsimik qulakkeerineq tunngavigalugu naapertuunneq).

ii Ilanngussaq I, immikkoortoq A, immikkoortoq 3.2 aamma 3.3 pillugit pitsaassutsinut assigiissaanerit eqqortinneqarsimanngippata: modul A1 (suliffeqarfiup iluani tunisassiornermut allattaavik aamma alapernaarsukkamik tunisassianik misiligaaneq), modul B (EU-mi type-nik akuerinnineq) modul-inut C, D, E imaluunniit F-imut peqatigitillugu, modul G (ataasiartamut akuersineq tunngavigalugu naapertuunneq) imaluunniit modul H (tamakkiisumik pitsaassutsimik qulakkeerineq tunngavigalugu naapertuunneq).

b) 12-miit 24 m-imut timitaat takissusilinnut sunngiffimmi angallatinut, tulluuttut modul-it ilaat ataaseq:

i Modul B (EU-mi type-nut misiligaaneq) modul-inut C, D, E imaluunniit F-imut peqatigitillugu.

ii Modul G (ataasiartamut akuersineq tunngavigalugu naapertuunneq).

iii Modul H (tamakkiisumik pitsaassutsimik qulakkeerineq tunngavigalugu naapertuunneq).

3) Ilanngussaq I-mi, immikkoortoq A, immikkoortoq 1-mi eqqartorneqartunut sanariaatsinut immikkoortitikkanut (kategori-nut) D-nut:

a) 2,5-miit 24 m-imut timitaat takissusilinnut sunngiffimmi angallatinut, tulluuttut modul-it ilaat ataaseq:

i Modul A (suliffeqarfiup iluani tunisassiornermik nakkutilliineq).

ii Modul-i A1 (suliffeqarfiup iluani tunisassiornermut allattaavik aamma alapernaarsukkamik tunisassianik misiligaaneq).

iii Modul B (EU-mi type-nut misiligaaneq) modul-inut C, D, E imaluunniit F-imut peqatigitillugu.

iv Modul G (ataasiartamut akuersineq tunngavigalugu naapertuunneq).

v Modul H (tamakkiisumik pitsaassutsimik qulakkeerineq tunngavigalugu naapertuunneq).

Imm. 2. Aalajangiinermut nr. 768/2008/EF-imut ilanngussami II-mi eqqartorneqartunik, nammineq angallatinik sananeq aamma sanaartorneq eqqarsaatigalugit, suleriaatsit tulluuttut ilaat ataaseq atuuppoq:

1) Modul A (suliffeqarfiup iluani tunisassiornermik nakkutilliineq).

2) Modul-i A1 (suliffeqarfiup iluani tunisassiornermut allattaavik aamma alapernaarsukkamik tunisassianik misiligaaneq).

3) Modul B (EU-mi type-nut misiligaaneq) modul-inut C, D, E imaluunniit F-imut peqatigitillugu.

4) Modul G (ataasiartamut akuersineq tunngavigalugu naapertuunneq).

5) Modul H (tamakkiisumik pitsaassutsimik qulakkeerineq tunngavigalugu naapertuunneq).

Imm. 3. Aalajangiinermut nr. 768/2008/EF-imut ilanngussami II-mi eqqartorneqartunik, atortunik sananeq aamma sanaartorneq eqqarsaatigalugit, suleriaatsit tulluuttut ilaat ataaseq atuupput:

1) Modul B (EU-mi type-nut misiligaaneq) modul-inut C, D, E imaluunniit F-imut peqatigitillugu.

2) Modul G (ataasiartamut akuersineq tunngavigalugu naapertuunneq).

3) Modul H (tamakkiisumik pitsaassutsimik qulakkeerineq tunngavigalugu naapertuunneq).

Pujuliornernik aniatitsinerit

§ 21. § 2, imm. 1, naqinneq d-mi aamma e-mi eqqartorneqartunut tunisassianut, pujuliornernik aniatitsinerit eqqarsaatigalugit, aalajangiinermut nr. 768/2008/EF-imut ilanngussami II-mi eqqartorneqartut suleriaatsit tulluuttut motoorinut fabrikkutillip atussavai:

1) Pitsaassutsimik assigiissaanermik atuinikkut misiligaanerit ingerlanneqaraangata, tulluuttut modul-it ilaat ataaseq:

a) Modul B (EU-mi type-nut misiligaaneq) modul-inut C, D, E imaluunniit F-imut peqatigitillugu.

- b) Modul G (ataasiartamut akuersineq tunngavigalugu naapertuunneq).
 - c) Modul H (tamakkiisumik pitsaassutsimik qulakkeerineq tunngavigalugu naapertuunneq).
- 2) Pitsaassutsimik assigiissaanermik atuinani misiligaanerit ingerlanneqaraangata, tulluuttut modul-it ilaat ataaseq:
- a) Modul B (EU-mi type-nut misiligaaneq) modul-imut C1-imut peqatigitillugu
 - b) Modul G (ataasiartamut akuersineq tunngavigalugu naapertuunneq).

Nipiliornermik aniatitsinerit

§ 22. Siumut ingerlatitsissutissatut ikkuttakkanik motoorilinniit sunngiffimmi angallatiniit sanaqataatillugit pujoorfiligaanngitsuniit imaluunniit siumut ingerlatitsissutissatut ilumikkut motoorilinniit aammalu siumut ingerlatitsissutissatut ikkuttakkanik motoorilinniit sunngiffimmi angallatiniit sanaqataatillugit pujoorfiligaanngitsuniit imaluunniit siumut ingerlatitsissutissatut ilumikkut motoorilinniit, annertunerusumik, imaatigut angallammik, allannguisumik sanaqqiivigitittumiit, tamatumalu kingorna, allannguisumik sanaqqiinerup kingorna piffissap ukiunik tallimanik sivilissusillip iluani, niuffaffinnut kaaviiartinneqalersuniit nipiliornermik aniatitsinerit eqqarsaatigalugit, fabrikkiutillip, aalajangiinermut nr. 768/2008/EF-imut ilanngussami II-mi eqqartorneqartut, suleriaatsit tulluuttut atussavai:

- 1) Nipiliornermik uuttuinnermut pitsaassutsimut assigiissaanermik atuinermi, misiligaanerit ingerlanneqaraangata, modul-it tulluuttut ilaat ataaseq:
 - a) Modul A1 (suliffeqarfiup iluani tunisassiornermut allattaavik aamma alapernaarsukkamik tunisassianik misiligaaneq).
 - b) Modul G (ataasiartamut akuersineq tunngavigalugu naapertuunneq).
 - c) Modul H (tamakkiisumik pitsaassutsimik qulakkeerineq tunngavigalugu naapertuunneq).
- 2) Nipiliornermik uuttuinnermut pitsaassutsimut assigiissaanermik atuinani, misiligaanerit ingerlanneqaraangata, modul G (ataasiartamut akuersineq tunngavigalugu naapertuunneq).
- 3) Naliliinermi Froudes-ip kisitsisaanik aamma sunniut/umiarsuullu itsinerminik ajataanik immamik naleqqiussamik atuisoqartillugu, modul-it tulluuttut ilaat ataaseq:
 - a) Modul A (suliffeqarfiup iluani tunisassiornermik nakkutillineq).
 - b) Modul G (ataasiartamut akuersineq tunngavigalugu naapertuunneq).
 - c) Modul H (tamakkiisumik pitsaassutsimik qulakkeerineq tunngavigalugu naapertuunneq).

Imm. 2. Sunngiffimmi angallatinut ikkussuunnissaannut naatsorsuussat pujoorfeqarfittuut aqqiissuussartai sananeqarnerannut ilaatillugit sanaqataatinneqartut aammalu siumut ingerlatitsissutit motor-it ikkuttakkat aamma siumut ingerlatitsissutit motor-it aquagoortut, nammineq angallatigisaniit nipiliornermik aniatitsinerit eqqarsaatigalugit, aalajangiinermut nr. 768/2008/EF-imut ilanngussami II-mi eqqartorneqartut suleriaatsit tulluuttut fabrikkiutillit atussavai:

- 1) Nipiliornermik uuttuinnermut pitsaassutsimut assigiissaanermik atuinermi, misiligaanerit ingerlanneqaraangata, modul-it tulluuttut ilaat ataaseq:
 - a) Modul A1 (suliffeqarfiup iluani tunisassiornermut allattaavik aamma alapernaarsukkamik tunisassianik misiligaaneq).
 - b) Modul G (ataasiartamut akuersineq tunngavigalugu naapertuunneq).
 - c) Modul H (tamakkiisumik pitsaassutsimik qulakkeerineq tunngavigalugu naapertuunneq).
- 2) Nipiliornermik uuttuinnermut pitsaassutsimut assigiissaanermik atuinani, misiligaanerit ingerlanneqaraangata, modul G (ataasiartamut akuersineq tunngavigalugu naapertuunneq).

Sanereernerup kingorna naliliineq

§ 23. § 19, imm. 2, 3 aamma 4-mi eqqartorneqartutut, sanereernerup kingorna naliliineq, ilanngussaq V-mi nassuiarneqartutut suliarineqassaaq.

Illassutitut piumasaqaatit

§ 24. Aalajangiinermut nr. 768/2008/EF-imut ilanngussami II-mi modul B atorneqaraangat, EU-mi tybe-nik misiligaaneq, modul-imi eqqaaneqartumi immikkoortoq 2-mi, tulluuttumi allassimasutut, periaaseqarluni ingerlanneqartarpoq.

Modul B-mi tunisassiornermi type-mi, tunisassiap assigiinngitsukkuutaavinut assigiinngitsunut arlalinnut tunngatinneqarsinnaavoq, imaappat

1) assigiinngitsukkuutaat akornanni assigiinngissutsinit isumannaallisaanermut qaffasissuseq aammalu tunisassiap atorsinnaassusianut piumasaqaatit allat nikisinneqassanngitsoq, aamma

2) EU-mi type-nik misiligaasarnernik allagartaliuttakkami assingusumi, pisariaqassappat allagartaliussami siullermik allannguinikkut, tunisassiap assigiinngisitaartuinut innersuussisoqarpoq.

Imm. 2. Aalajangiinermut nr. 768/2008/EF-imut ilanngussami II-mi modul A1-i atorneqaraangat, fabrikkiutillip tunisassiorneranik takutitsisumik imaatigut angallammi ataatsimi imaluunniit arlalinni, tunisassiamik nakkutillineq ingerlanneqartarpoq, aammalu nalunaarummut matumunnga ilanngussami VI-mi ilassutitut piumasaqaatit atuuttassallutik.

Imm. 3. Aalajangiinermut nr. 768/2008/EF-imut ilanngussami II-mi modul A1-mi aamma C1-mi eqqartorneqartut suliffeqarfiup iluani ingerlatsiveqarfinnik piginnaatitaasunik atuinissamut periarfissaq, atorneqassanngilaq.

Imm. 4. Aalajangiinermut nr. 768/2008/EF-imut ilanngussami II-mi modul F-i atorneqaraangat, pujuliornermik aniatitsinernut piumasaqaatinik naapertuutissusermut naliliinermi, nalunaarummut matumunnga ilanngussaq VII-mi nassuiarneqartoq suleriaaseq atuuttarpoq.

Imm. 5. Aalajangiinermut nr. 768/2008/EF-imut ilanngussami II-mi modul C atorneqaraangat, fabrikkiutillip toqqagaasoq ingerlatsiveqarfik piginnaatitaasoq, naapertuutissusermut naliliineq eqqarsaatigalugu, nalunaarummi matumani pujuliornernik aniatitsinermut piumasaqaatinik, aamma sunngiffimmi angallatiniit nipiliornernik- aamma silaannarnik aniatitsinernut maleruagassiuineq pillugu Miljøstyrelsen-imit nalunaarummi nr. 1690, 2. december 2015-meersoq aamma aalajangiinermut nr. 768/2008/EF-imut ilanngussami II-mi modul H-mi nassuiarneqartutut, fabrikkiutilik pitsaassutsimut aqqissuussamik attuumassutilimmik ingerlataqanngippat, suliffeqarfiup iluani pitsaassutsimik nakkutilliinermut, aalajangersimanngitsunik akuttussusilinnik, tunisassiamut nakkutilliinermik ingerlataqartassaaq, imaluunniit piginnaatitaasumit pineqartumit aalajangersarneqartumik taamaattumik ingerlatsinermik suliaqartitsisassaaq. Pitsaassutsimik inissisimaffik iluarinannngippat, imaluunniit fabrikkiutillip saqqummiussai qarasaasiami paasissutissat atorsinnaassusiannik misissuineq pisariaqarsimarpasitsillugu, ilanngussaq VIII-mi suleriaaseq atorneqassaaq.

Teknikkikkut allakkiamik uppersaasiineq

§ 25. § 7, imm. 2-mi eqqartorneqartoq teknikkikkut allakkiamik uppersaasiaq, tunisassiap § 4, imm. 1-imi, aamma ilanngussami I-mi piumasaqaatinik eqqortitsinissanut fabrikkiutillip qulakkeerinissanut atortagai atortussat pillugit qarasaasiakkut paasissutissanik aamma ilisimatitsissutinik attuumassutilinnik tamanik kiisalu sunngiffimmi angallatiniit nipiliornernik- aamma silaannarnik aniatitsinernik maleruagassiuineq pillugu nalunaarummi piumasaqaatinik imaqassaaq. Allakkiamik uppersaasiaq pingaartumik, ilanngussaq IX-mi eqqaaneqartunik allakkianik uppersaasianik imaqassaaq.

Imm. 2. Sananeqaataasut, sananeqarnerit, atuutaasut aamma naapertuussusermut naliliinerup paasiuminartuunissaat, taassuminnga teknik-kikkut allakkiatut uppersaasiamik qulakkeerneqassaaq.

Kapitali 5

Naapertuussusermut naliliinermik nalunaarut

Nalunaaruteqarneq

§ 26. Nalunaarut manna naapertorlugu, naapertuussusermik naliliinermik suliaassanik suliaqarnissamut peqatigiit avataanniittutut attuumassuteqanngitsutut suleqatigiissitat sorliit piginnaatinneqarneri pillugit naalagaaffinnit ilaasortaasunit, Kommission-imut aamma naalagaaffinnut ilaasortaasunut allanut kalerriutigineqassapput.

Oqartussat piginnaatitsisartut

§ 27. Naalagaaffiit ilaasortat nalunaarut manna naapertorlugu naapertuussusermik nalilersuineri nalunaaruteqarnermilu pisariaqartumik suleriaatsinik atuutilersitsinermik naammassinninnermillu aamma § 32 naapertorlugu suleqatigiissitanik piginnaatinneqartunik nakkutilliinermik akisussaasunik toqqaassapput.

Imm. 2. Imm. 1-imi eqqartorneqartoq naliliineq aamma alapernaarsuineq, peqqussummi (EF) nr. 765/2008-mi isumasiususerneqartutut aammalu naapertorlugu nuna tamakkerlugu akuersisartoqatigiinnit suliarineqartassasoq naalagaaffiit ilaasortaasut aalajangersinnaavaat.

Imm. 3. Oqartussap piginnaatinneqartup imm. 1-imi eqqaaneqartutut nalilersuineq, nalunaarsuineq alapernaarsuinerluunniit suliaqarfimmuut oqartussanut ilaanngitsumut suliaassanngortippagu, suliaqarfik taanna inatsisit naapertorlugit inatsisitigut akisussaasuussaaq taamatullu § 28-mi piumasaqaatinik eqqortitsissalluni. Suleqatigiissitaq taanna aamma ingerlatsinermiut atatillugu akisussaasnermut matussutissanik iliutsinik aalajangersaassaaq.

Imm. 4. Oqartussat piginnaaniliisut, suliaassanut, imm. 3-mi eqqaaneqartup suleqatigiissitap suliarisaanut, akisussaaffik tamakkiisoq tiggummivaat.

Imm. 5. Oqartussap piginnaatitsisusooq imm. 1-imi eqqaaneqartoq tassaavoq Sikkerhedsstyrelsen-i, kisianni DANAK-imik Den Danske Akkrediteringsfond (matuma kingorna DANAK) imm. 2 naapertorlugu suliaqarfimmik nalilersuisussatut alapernaarsuisussatullu toqqaarneqarpoq.

Imm. 6. Suleqatigiissitatut toqqaarneqarnissamut qinnuteqaat Sikkerhedsstyrelsen-imut saaffiginninnikkut pissaaq, tassani uppersaasatit suliamut attuumassuteqartut, tassunga ilanngullugu § 30-mi piumasaqaatit eqqortinneqarnerannut uppersaasatit akuerineqarnermut uppersaasat, ilanngunneqassallutik.

Imm. 7. DANAK § 27 naapertorlugu suliaqarfimmik piginnaatinneqartumik nalilersuissaaq alapernaarsuissallunilu aammalu § 30-mi piumasaqaatit aamma §§ 32, 38, 40 aamma 42-mi suliamik ingerlatsinermut piumasaqaatit aamma paasisutissiisussaataitanerup peqataasussaataitanerullu eqqortinneqarnissaat isumagissallugit.

Imm. 8. Sunngiffimmi angallatit aamma nammineq angallatit pillugit Europa-Parlament-ip aamma Råd-ip malittarisassiaa 2013/53/EU naapertorlugu imaatigut angallatinik suussusileeriaatsit pillugit atuutilersitsineq pillugu Kommission-ip peqqussutaani (EU) 2017/1, 3. januar 2017-meersumi nuna tamakkerlugu oqartussanut suliaassanngortinneqartartutut allassimareersut ingerlatat Sikkerhedsstyrelsen-imit isumagisaalissapput.

Oqartussat piginnaatitsisartut pillugit piumasaqaatit

§ 28. Oqartussat piginnaatitsisartut imaalillugit, naapertuussusermik naliliisartoqatigiinnut soqutigisanik aporaaffilitsaalillugit pilersinneqassapput.

Imm. 2. Oqartussat piginnaatitsisartut sulinerminni kinaassusersiunnginnissaq nakerisarsiunnginnissarluk qulakkeerlugit aqqissugaassapput sulillutillu.

Imm. 3. Oqartussat piginnaatitsisartut imatut aqqissugaassapput piumasaqaatinik eqqortitsisarnermik nalilersuisarfimmik nalunaarsuineq pillugu aalajangiinerit tamarmik inunnit piginnaasalinneq nalilersuineri suliaqanngitsunit aalajangerneqartarlutik.

Imm. 4. Oqartussat piginnaatitsisartut ingerlatanik naapertuussusermik naliliisartoqatigiinnit suliarineqartartunik imaluunniit inuussutissarsiorneq unammilleqatigiinnerluunniit tunngavigalugit siunnersuisartunit suliarineqartunik suliaqassanngillat.

Imm. 5. Oqartussat piginnaatitsisartut paasissutissat pissarsiarineqartut isertuullugit suliarineqarnissaat qulakkiissavaat.

Imm. 6. Oqartussat piginnaatitsisartut suliassaminnik eqqortumik suliaqarsinnaasunik nammattumik amerlassuseqartunik sulisoqassapput.

Oqartussat piginnaatitsisartut paasissutissiisarnissaannut piumasaqaatit

§ 29. Naalagaaffiit ilaasortat piumasaqaatinik eqqortitsinermik nalilersuisarfinnik nalilersuinnermut nalunaarsuinnermullu aamma suliaqarfinnik piginnaatinneqartunik taakkunanilu allannguutaasinnaasunik nakkutiginninnermut suleriaatsiminnik Kommission-i nalunaarfigissavaat.

Imm. 2. Kommission-ip paasissutissat taakku tamanut saqqummiutissavai.

Suleqatigiissitat piginnaatinneqartut pillugit piumasaqaatit

§ 30. Naapertuussusermut nalilersuisartoqatigiit nalunaarut manna naapertorlugu nalunaaruteqartarnermut atatillugu imm. 2-11-imi piumasaqaatit eqqortissavai.

Imm. 2. Naapertuussusermut naliliisartoqatigiit nuna tamakkerlugu inatsit naapertorlugu pilersinneqassaaq tassaassallunilu inatsisitigut akisussaasuusoq.

Imm. 3. Naapertuussusermut naliliisartoqatigiit, peqatigiit avataanniittoqatigiupput suliaqarfimmut suliamilluunniit nalilersukkaminut attuumassuteqartuunatik.

Suleqatigiissitaq inuussutissarsiortut kattuffiannut aamma/imaluunniit inuussutissarsiutit immikkoortuisa peqatigiiffiannut ilaasoq tunisassiamik sanaartornermi, pilersitsinermi, pissarsinermi, atuinermi aserfallatsaaliuinnermiluunniit nalilersukkaminut peqataasunut sinniisuusoq sumulluunniit attuumassuteqannginneranik uppersarsaasissaaq piumasaqaatigalugu soqutigisallu aporaannerat pineqartinagu suleqatigiissitatut taamaattutut isigineqassaaq.

Imm. 4. Naapertuussusermut naliliisartoqatigiit, aqutsisui qullersat sulisuilu naapertuussusermut nalilersuinnermi akisussaasut tassaassanngillat tunisassiamik nalilersukkaminut konstruktør-i, tunisassiortoq, pilersuisoq, montør-I, pisisoq, piginnittoq, atuisoq iluarsaassisartoq taakkuluunniit sinniisuut. Tamanna tunisassiat nalilersorneqartut naapertuussusermut naliliisartoqatigiit ingerlatsinerannut atorneqarnissaannut pisariaqartut atorneqarnissaannut imaluunniit tunisassiat taamaattut nammeneq atugassat naatsorsuunneqartut atorneqarnissaannut ajoqutaanngilaq. Naapertuussusermut naliliisartoqatigiit, aqutsisui qullersat sulisuilu naapertuussusermut nalilersuinnermut akisussaasut, tunisassiani taamaattuni ilusilersuinnermi, sanaartornermi, pilersaarinermi, ikkusuinnermi, atuinermi aserfallatsaaliuinnermiluunniit toqqaannartumik akuussanngillat imaluunniit ingerlatsinerni taakkunani suliaqartunut sinniisuussanatik. Taakku ingerlatsinerni naapertuussusermut nalilersuinnermut piginnaatitaaffigisaminut atatillugu ingerlatsinerni kinaassusersiunnginnissamut innarligaassannginnermulluunniit akerliusuni peqataassanngillat. Tamanna pingaartumik siunnersuinnermi atuuppoq.

Naapertuussusermut naliliisartoqatigiit, taassuma suliffeqarfiit suliffeqarfissuup pigisaata imaluunniit suliassat ilaannik suliarinnittut ingerlatsineranni naapertuussusermut nalilersuinneranni isertuussinissamut, kinaassusersiunnginnissamut aamma sumulluunniit attuumassuteqannginnissamut sunniteqannginnissaa qulakkiissavaa,

Imm. 5. Naapertuussusermut naliliisartoqatigiit taassumalu sulisui immikkoortuni aalajangersimasuni suliamik ingerlatsinermi annertunerpaamik innarligassaanatik teknik-kilu pisariaqartunik piginnaasaqarlutik naapertuussusermut nalilersuissapput aammalu sunnarniarneqarnernik kajumissuseqarnernillu sunilluunniit sunnerneqassanatik, pingaartumik naapertuussusermut nalilersuinneranni aningaasaqarnermi aalajangiinnermut angusanullu sunniisinnaasunik, pingaartumik inuit inuilluunniit ataatsimoortut ingerlatsinerni taakkunani angusassanik soqutigisartut eqqarsaatigalugit.

Imm. 6. Naapertuussusermut naliliisartoqatigiit §§ 19-24 naapertorlugit piumasaqaatinik nalilersuinnermik piginnaatitaaffigisaminik eqqortitsinernik suliakkiutigineqartunik suliaqarsinnaassaaq

aammalu nammineq namminerluunniit sinnerluni tassanilu akisussaalluni naapertuussusermut nalilersuisartoqatigiit suliassat taakku suliarinerai apeqqutaatinagu.

Naapertuussusermut nalilersuisartoqatigiit qaqugukkulluunniit aamma piumasaqaatinik eqqortitsinermik nalilersuinerni tamani imaluunniit tunisassiani assigiinngitsuni suussutsiniluunniit piginnaatitaaffigisamini ukuninnga pigisaqassaaq:

1) Sulisut teknik-kimik ilisimasaqartut pisariaqartut aamma naapertuussusermut nalilersuinermit nammattunik suliamullu attuumassuteqartunik misilittagallit.

2) Naapertuussusermut nalilersuineq napertorlugu suliamik ingerlatsinernik allaaserinninneq, taamaalilluni suliamik ingerlatsinerni taakkunani ingerlatseqqinnissami paasiuminartitsineq periarfissaqarnerlu qulakkeerneqassallutik. Politikkinik suliamillu ingerlatsinernik suliaqarfittut ingerlatsinernillu allanik piginnaatinneqartut immikkoortitsisunik naleqquttunik atuutilersitsisimassaaq.

3) Suliamik ingerlatsinerit suliffeqarfiup pineqartunik angissusia, immikkoortoq suliamik ingerlatsivia aaqjissuussaanelu aamma tunisassiap pineqartup teknoligi-ata qanoq assigiinngiaartiginera aamma amerlasuunik tulleriaartunik tunisassiat suuneri pisariaqartumik mianeralugit sulianik ingerlatsisinnaalersitsisut. Naleqquttumik naapertuussusermut nalilersuinermit sulianut atatillugu teknikkikkut allaffissornikkullu suliassat suliarinissaannut atortunik pisariaqartunik peqassaaq aammalu atortunik pisariaqartunik tamanik atortorissaarutinillu pisariaqartunik tamanik atuisinnaassalluni.

Imm. 7. Sulisut naapertuussusermut nalilersuinermit suliaqartut

1) immikkoortumi naapertuussusermut nalilersuinermit piginnaatitaaffigisaminni naapertuussusermut nalilersuinermit ilaasunik tamanik teknikkikkut suliamillu ingerlatsinermik ilinniagaqarluarsimassapput,

2) nalilersuinerit ingerlatatik pillugit piumasaqaatinik pisariaqartunik ilisimasaqassapput taakkuninngalu nalilersuinermit pisariaqartumik piginnaatinneqarlutik,

3) piumasaqaatinik pingaarnernik pitsaassutsinik naleqqussakkanik, Union-ip naleqqussaaneq pillugu inatsisaanik suliamut attuumassuteqartunik aamma nunami namminermit inatsisinik suliamut attuumassuteqartunik naammattumik ilisimasaqassapput naammattumillu paasinnissallutik, aamma

4) nalilersuinermit ingerlanneqartumik uppersaasunik akuersissutinik, nalunaarsuiffinnik nalunaarusianillu suliaqarnermik pisariaqartumik piginnaasaqassapput.

Imm. 8. Naapertuussusermut naliliisartoqatigiit, taakku aqutsisui qullersat aamma nalilersuinermit sulisut sumulluunniit attuumassuteqaratik sulinissat qulanaarneqassaaq. Naapertuussusermut naliliisartoqatigiinni aqutsisut qullersat aamma nalilersuinermit sulisut akissarsiaqartinneranni nalilersuinerit amerlassusaat nalilersuineriniluunniit taakkunani angusat apeqqutaassanngillat.

Imm. 9. Naapertuussusermut naliliisartoqatigiit naalagaaffik ilaasortaq nunami namminermit inatsisit naapertorlugit akisussaanngippat imaluunniit naalagaaffik ilaasortaq piumasaqaatinik nalilersuinermit nammineq toqqaannartumik akisussaanngippat sillimmasissaaq.

Imm. 10. Naapertuussusermut naliliisartoqatigiinni sulisut paasissutissat §§ 19-24 naapertorlugit suliassanik suliaqarnerminni paasisaat eqqarsaatigalugit nipangiusimasussaataapput, kisianni naalagaaffimmi suliassanik suliaqarfigisaminni oqartussanut piginnaatitaasunut nipangiusimasussaataitaanngillat. Piginnittussaataaneq illersorneqassaaq,

Imm. 11. Naapertuussusermut naliliisartoqatigiit nalilersuinermit sulisumik pitsaassusiliinerit suliamut attuumassuteqartut aamma suliaqarfinni piginnaatinneqartumi ataqatigiissaarisartut § 42 naapertorlugu pilersinneqartut ingertaat pillugit ilisimatinneranni peqataassapput qulakkeerlugilluunniit tamanullu atuuttumik najoqqutassiat allaffissornikkut aalajangiinerit uppersaataillu ataqatigiissaarisartut taaneqartut suliaqarneranni pissarsiat atussallugit.

Naapertuussusermit ilimaginninneq

§ 31. Naapertuussusermut naliliisartoqatigiit malitassat naleqqussakkat taakkuluunniit ilaat *Den Europæiske Unions Tidende*-mi innersuunneqarnerannik tamanut saqqummiunneqartut eqqortinneqarnerat uppersarsapagu, § 30-mi piumasaqaatit malitassat naleqqussakkat piumasaqaatinik taakkunannga atuutilersitsilersut eqqarsaatigalugit eqqortinneqartut ilimagineqarpoq.

Suliffeqarfiit suliffeqarfissuup pigisai suleqatigiissitanullu piginnaatinneqartunut atatillugu suliassat ilaat allanut suliaritinneqartut

§ 32. Suleqatigiissitap piginnaatinneqartup naapertuussusermut nalilersuinnermut atatillugu suliassat ilaat allanut suliassanngortippagit suliffeqarfimmilluunniit suliffeqarfissuup pigisaanik atuippat, suliassat ilaannik suliaqartinneqartup suliffeqarfiulluunniit suliffeqarfissuup pigisaata § 30-mi piumasaqaatinik eqqortitsinerat qulakkeerneqassaaq, oqartussallu piginnaatinneqartut tamanna pillugu nalunaarfigissallugit.

Imm. 2. Suliassat ilaannik suliakkerneqartut aamma suliffeqarfiit suliffeqarfissuup pigisaasa suliassat aallartinneqarsimanerat apeqqutaatinnagu suliassanik suliaqarnissaannik suliaqarfiup piginnaatinneqartup tamakkiisumik akisussaaffigaa.

Imm. 3. Ingerlatsinerit taamaallaat sullitaq akuersisimappat suliassat ilaat allanut suliakkiissutigineqarsinnaapput imaluunniit suliffeqarfimmit suliffeqarfissuarmut pigisamut suliarineqarsinnaallutik.

Imm. 4. Suliaqarfiup piginnaatinneqartup suliassat ilaannik suliakkerneqartup imaluunniit suliffeqarfiup suliffeqarfissuarmut pigineqartup pisinnaasai aamma §§ 19-24 naapertorlugit suliarinikuusai pillugit uppersarsaatit suliamut attuumassuteqartut oqartussamut piginnaatinneqartumut atugassanngortissavai.

Nalunaarsorneqarnissaq pillugu qinnuteqaat

§ 33. Naapertuussusermut naliliisartoqatigiit nalunaarsorneqarnissaq pillugu naalagaaffimmi ilaasortaasumi pilersitsiviusumi oqartussamut piginnaatitsisartumut qinnuteqassaaq.

Imm. 2. Piumasaqaatit eqqortinneqarnerannik nalilersuinnermik, piumasaqaatit eqqortinneqarnerannik nalilersueriaatsinik aamma suliat suliaqarfiup piginnaasaqarfigisamisut oqaatigisaanik allaaserinninnerit aamma piginnaatitsinnermut allagartaq qinnuteqartup § 30-mi piumasaqaatinik eqqortitsineranik uppersarsaataasooq DANAK-imit tunniunneqartoq qinnuteqaammut imm. 1-imi taaneqartumut ilanngunneqassapput.

Nalunaarsuineq

§ 34. Oqartussat piginnaatinneqartut taamaallaat piumasaqaatinik eqqortitsinnermik nalilersuisarfiit § 30-mi piumasaqaatinik eqqortitsisut nalunaarsorsinnaavaat.

Imm. 2. Oqartussat piginnaatinneqartut Kommission-i aamma naalagaaffiit ilaasortat elektroniskinnorlugu nalunaarsuinnermi sakkut Kommission-imit ineriartortinneqarnikut aquunneqartullu atorlugit nalunaarfigissavaat.

Imm. 3. Nalunaarsuineq, naapertuussusermut nalilersuinnermik ingerlatat pillugit tamakkiisumik, naapertuussusermut nalilersuinnermut modul-it pineqartut aamma tunisassiat pineqartut aamma piginnaasat pillugit uppersarsaat suliamut attuumassuteqartoq pillugit uppersarsaatinik imaqassaaq.

Imm. 4. Nalunaarsuineq piginnaatitsinnermut allagartamik artikili 33-mi imm. 2-mi allaaserineqartumik tunngaveqanngippat oqartussat piginnaatinneqartut naapertuussusermut naliliisartoqatigiit piginnaasaannik aamma suliaqarfimmik akuttunngitsumik nakkutilliisarnissaq qulakkeerniarlugu atuutilersitsinnermik aamma suliaqarfiup § 30-mi piumasaqaatinik aamma siunissami eqqortitsinissaa qulakkeerniarlugu atuutilersinneqartunik uppersarsaammik Kommissionimut aamma naalagaaffinnut ilaasortanut allanut tunniussissapput.

Imm. 5. Suliaqarfik pineqartoq Kommission-i imaluunniit naalagaaffiit ilaasortat allat aatsaat akuersinermik uppersaatsat tunngavigalugu nalunaarsuinerup kingorna sapaatit akunnerisa marluk iluanni imaluunniit akuersinermik uppersaatsat tunngaviginagu nalunaarsuinerup kingorna qaammatit marluk iluanni akerlilinngippata ingerlatsisinnaavoq.

Suliaqarfik taamaattoq taamaallaat malitassaq una tunngavigalugu suliaqarfittut piginnaatinneqartutut isigineqassaaq.

Imm. 6. Kommissioni aamma naalagaaffiit ilaasortat allat nalunaarsuinermi tamassuma kingorna allannguutaasinnaasunik nalunaarfigineqassapput.

Suliaqarfiit piginnaatinneqartut normu ilisarnaataat taakkuninngalu allattuivik

§ 35. Kommission-ip suliaqarfiit piginnaatinneqartut tamaasa normumik ilisarnaasissavai. Suliaqarfiit piginnaatinneqartut ataasiakkaat aamma EU-mi inatsisit arlallit naapertorlugit piginnaatinneqaraluartut ataasinnaanermik normumik ilisarnaaserneqassapput.

Naalagaaffiit ilaasortat tamassuma saniatigut suliaqarfik piginnaatinneqartoq oqartussamit piginnaatinneqartumit sanaartorerup kingorna naapertuussusermut nalilersuisinnaasutut piginnaatinneqartoq kode-mik ilisarnaasissavaat.

Imm. 2. Kommission-ip suliaqarfiit malitassaq 2013/53/EU naapertorlugu piginnaatinneqartut pillugit allattuivik tamanut saqqummiutissavaa, tassunga ilanngullugit normut ilisarnaatit immaqalu kode-t tunniuteqartut ingerlatsinernullu sunut piginnaatinneqarnersut. Kommission-ip allattuivik nutartertassavaat.

Nalunaarsukkami allannguutit

§ 36. Oqartussat piginnaatinneqartut suliaqarfiup piginnaatinneqartup § 30-mi piumasaqaatit eqqortikkunnaarai imaluunniit pisussaaffiit eqqortikkunnaarpagit paasigunikku, suna naleqqunnerpaajunersoq aamma piumasaqaatit pisussaaffiilluunniit qanoq annertutigisumik eqqortinneqannginnersut apeqqutaatillugu oqartussat piginnaatinneqartut nalunaarsukkat killilissavaat, atorunnaarsissavaat utertilluguluunniit. Kommissioni naalagaaffiillu ilaasortat allat tamanna pillugu ingerlaannaq nalunaarfigineqassapput.

Imm. 2. Nalunaarsukkat killilerneqarpata, atorunnaarsinneqarpata utertinneqarpataluunniit imaluunniit ingerlatsiviup piginnaatinneqartup ingerlatsinini unitsippagit, naalagaaffik ilaasortaq piginnaatinneqartoq ingerlatsivik taanna pillugu suliaqarfiup suliaqarfiup piginnaatinneqartumit suliarineqarnissaat imaluunniit oqartussanut piginnaatinneqartunut akisussaasunut atugassanngortinnissaat taakkulu qinnuiviginninnerat malillugu niuerfimmik nakkutilliinermi oqartussanut atugassanngortinnissaat qulakkeerniarlugu pisariaqartunik iliuuseqarnissamik aalajangiissaaq.

Suleqatigiissitat piginnaatinneqartut pisinnaasaannik apeqqusiineq

§ 37. Kommission-i suliaqarfiup piginnaatinneqartup piginnaasaannik imaluunniit suliaqarfiup piginnaatinneqartoq piumasaqaatit pisussaaffiillu pisussaaffigisani sulii eqqortinnerai qularutigippagit taamatullu qularuteqarneq pillugu ilisimatinneqaruni suliat tamaasa misissussavai.

Imm. 2. Naalagaaffiup piginnaatinneqartup Kommission-ip qinnuiviginninneratigut nalunaarsuinerup tunngaviit pillugit paasissutissat tamaasa imaluunniit suliaqarfiup piginnaatinneqartup piginnaasaqaannarnera pillugit paasissutissat tamaasa saqqummiutissavai

Imm. 3. Kommissionen-ip paasissutissat mianernartut misissuinerminut atatillugu pissarsiani tamaasa allanut ingerlateqqinneqannginnissaat qulakkiissavaa.

Imm. 4. Kommissionen-ip suliaqarfiup piginnaatinneqartup nalunaarsuineq pillugu piumasaqaatit eqqortinngikkai eqqortikkunnaaraluunniit paasippagu inatsisini malitassat piviusunngortinnissaat

aalajangissavaa, tassani ilaasortaq piginnaatinneqartuq aaqqiissutininik pisariaqartuninik aalajangiinissamut qinnuivigineqarluni, tassunga ilanngullugu nalunaarsuinerup utertinneqarnissaa pisariaqarnerseq. Inatsisini malittassanik piviusunngortitsineq taanna § 50, imm. 2 siunnersuinermit suleriaaseq malillugu aalajangerneqassaaq.

Suleqatigiissitanut piginnaatinneqartunut suleriaatsit eqqarsaatigalugit pisussaaffiit

§ 38. Suliaqarfik piginnaatinneqartuq naapertuussusermut nalilersueriaatsit §§ 19-24-mi aalajangersarneqartut naapertorlugit naapertuussusermut nalilersuissaaq.

Imm. 2. Minnerpaamik akuliunneq tunngavik naapertorlugu naapertuussusermut nalilersuisoqassaaq, taamaalilluni eqqussuisut inuussutissarsiuteqartut inuillu pisariaqanngitsumik nanertuuserneqassanatik.

Naapertuussusermut nalilersuisoqatigiit suliffeqarfiit pineqartut angissusaat, immikkoortoq ingerlatsiviat aqqissuussaanerallu, tunisassiap teknologi-ata assigiinngitsunik katitigaanera aamma ataatsimoortunik tullerriaarlugillu tunisassiornerup sunnera pisariaqartumik mianeralugit ingerlataminnik ingerlatissapput.

Tassungali atatillugu eqqortitsinerup annertussusia aamma illersuinerup annertussusia tunisassiami nalunaarummi uani aalajangersakkanik eqqortitsiniarluni pisariaqartuq ataqqissavaat.

Imm. 3. Suliaqarfik piginnaatinneqartuq isumaqarpat piumasaqaatit § 4, imm. 1 aamma 3-mi aamma ilanngussaq I-mi pitsaassutsilluunniit ataqatigiissineqartuni taakku assingini aalajangersarneqartut tunisassioortumit eqqussuisumillu namminersortumik eqqortinneqanngitsut, tunisassioortoq imaluunniit eqqussuisoq namminersortoq tamassuma aqqinnissaanik qinnuigissavaa aammalu piumasaqaatinik eqqortitsinerup uppersaata tunniutissanagu.

Imm. 4. Suliaqarfik piginnaatinneqartuq piumasaqaatinik eqqortitsinermik nakkutiginninnermut atatillugu uppersaataammik tunniussinerup kingorna isumaqaruni piumasaqaatit eqqortinneqarunnaartut, taakku aqqinneqarnissaannik tunisassioortoq qinnuivigissavaa uppersaatalu pisariaqarpat atorunnaarsissallugu utertissalluguluunniit.

Imm. 5. Aaqqiisoqanngippat taakkuluunniit kissaatigineqartut kinguneqanngippata suliaqarfiup piginnaatinneqartup uppersaataasinnaasut suna naleqqunnerpaajunersaq apeqqutaatillugu killilissavai, atorunnaarsissavai utertilluguluunniit.

Maalaaruteqarneq

§ 39. Suliaqarfiup piginnaatinneqartup aalajangiinerit Sikkerhedsstyrelsen-imut maalaarutigineqassapput, allaffissornermilu suliaqarfimmuq qaffasinnerusumut maalaarutigineqarsinnaanngillat.

Suliaqarfiit piginnaatinneqartut paasisutissiinissaannut piumasaqaatit

§ 40. Suliaqarfiup piginnaatinneqartup oqartussat piginnaatinneqartut uku pillugit ilisimatissavai

1) uppersaataammik tunniussinissamik itigartitsineq, killiliineq, atorunnaarsitsineq utertinnerluunniit suulluunniit,

2) pissutsit nalunaarsuinerup annertussusiat piumasaqaatinullu sunniuteqartut,

3) naapertuussusermut nalilersuinerit niuerfimmik nakkutilliinermi oqartussanit tigusatik pillugit paasisutissinneqarnissamik qinnuiviginninnerit, aamma

4) qinnuivigineqarnikkut naapertuussusermut nalilersuinerit immikkoortuni piginnaatitaaffigisaminni ingerlanneqartut ingerlatsinerillu allat suulluunniit, tassunga ilanngullugit killissat qaangerlugit ingerlatsinerit suliallu ilaannik allanut suliakkerit.

Imm. 2. Ingerlatsiviit piginnaatinneqartut ingerlatsiviit allat nalunaarut una naapertorlugu piginnaatinneqartut tunisassianillu assigiinnik naapertuussusermut naliliinerup assiginik nalilersuisut

naapertuussusermut naliliinermi ajortut qinnuivigineqarnikullu pitsaasut pillugit apeqqutini pineqartunik paasisutississavaat.

Milittakkanik paarlaaseqatigiinneq

§ 41. Kommissionen-ip naalagaaffinni ilaasortani nunami namminermi oqartussat nalunaarsuisarnermik politikkimut akisussaasut akoranni misilittakkanik paarlaaseqatigiittoqartarnissaa isumagissavaa.

Suliaqarfinnik piginnaatinneqartunik ataqatigiissaarineq

§ 42. Kommissionen-ip suliaqarfiit malitassaq 2013/53/EU naapertorlugu piginnaatinneqartut akornanni ataqatigiissaarinissaq suleqatigiinnissarlugu suleqatigiinnerullu taassuma immikkoortuni aalajangersimasuni suleqatigeeqarnikkut suliaqarfiilluunniit piginnaatinneqartut suleqatigeeqarnerisigut suleqatigiinnerup taassuma siunertaq malillugu ingerlanissaa qulakkiissavai.

Imm. 2. Naalagaaffiit ilaasortat suliaqarfiit piginnaatinneqartut toqqaannaq imaluunniit sinniisut toqqakkat atorlugit suleqatigiinni tassani suleqatigiinniluunniit taakkunani sulinermi peqataanissaat isumagissavaat.

Kapitali 6

EU-p niuerfinnik nakkutilliinera, tunisassianik EU-mi niuerfimmu eqqunneqartunik nakkutilliinera illersuinerillu

EU-p niuerfinnik nakkutilliinera, tunisassianik EU-mi niuerfimmu eqqunneqartunik nakkutilliinera

§ 43. Peqqussummi (EF) nr, 765/2008-mi artikili 15, imm. 3 aamma artikilit 16-29 tunisassianut nalunaarummi uani ilaasunut atuupput.

Imm. 2. Sikkerhedsstyrelsen-ip ingerlatat niuerfinnik nakkutilliinermut niuerfinnik nakkutilliinermut oqartussanut suliaannagortinneqartut suliarisarpai tunisassianillu nalunaarummi uani ilaasunik nakkutilliilluni. Kisianni Søfartsstyrelsen-ip Kalaallit Nunaani tunisassiat nalunaarummi uani ilaasut nakkutigai.

Tunisassiat nunami namminermi ajutoorfiusinnaasut pillugit suleriaatsit

§ 44. Naalagaaffimmi ilaasortami niuerfinnik nakkutilliinermi oqartussat tunisassiaq nalunaarummi ilaasoq inuit peqqinnerannik imaluunniit pigisat avatangiisillu isumannaatsuunerannut ulorianartorsiortitsisinnaasutut ilimaginninnissamut naammattumik tunngavissaqartunik, piumasaqaatit suliamut attuumassuteqartut nalunaarummi uani aalajangersarneqartut ilanngullugit tunisassiamik pineqartumik misissueqqissaassapput. Inuussutissarsiortut inuilluunniit eqqussuisut namminersortut niuerfinnik nakkutilliinermi oqartussanik pisariaqartumik suleqateqassapput. Inuussutissarsiortup misissueqqissaarnermut tassunga atillugu tunisassiami nalunaarummi uani piumasaqaatit eqqortinneqanngitsut paasippagu, niuerfinnik nakkutilliinermi oqartussat inuussutissarsiortup piumasaqaatit taakku naapertorlugit tunisassiamik pisariaqartunik aaqqiinialuni iliuuseqarnissaanik, tunisassiap tuniniaavimmi tuniniarneqarunnaarnissaanik imaluunniit ajutoortitsisinnaasup suuneranut tunngatillugu naleqquttumik piffissaqartitsilluni tuniniaavimmi

tuniniarneqarunnaarnissaanik aalajangiinissaanik nakkutilliinermi oqartussat inuussutissarsiortoq ingerlaannaq qinnuivigissavaat.

Tunisassiami nalunaarummi uani piumasaqaatit eqqortinneqanngitsut eqqussuisup namminersortup paasippagu, ajutoortitsisinnaasup suuneranut tunngatillugu tunisassiap piumaqaatit taakku naapertorlugit aaqqinneqarnissaanik, tunisassiap atorneqalernissaanik tunisassialluunniit atorneqarneranik taamaatitsiniarluni piumasaqaatit taakku naapertorlugit iliuuseqarnissanik niuerfinnik nakkutilliinermi oqartussat eqqussuisoq namminersortuq ingerlaannaq nalunaarfigissavaat.

Niuerfinnik nakkutilliinermi oqartussat suliaqarfiit piginnaatinneqartut suliamut attuumassuteqartut tamanna pillugu nalunaarfigissavaat. Peqqussummi (EF) nr. 765/2008-mi artikili 21-mi immikkoortut aappaanni pingajuannilu allaqqasut iliuutsinut pineqartunut atuupput.

Imm. 2. Piumasaqaatit naapertorlugit amigaataasoq naalagaaffiit ilaasortat suliaqarfiannut killeqanngitsoq niuerfinnik nakkutilliinermi oqartussat paasippassuk, Kommission-ip misissueqqissaarnermi paasisat pillugit iliuusissallu inuussutissarsiortup aalajangigassaatur pequssutit pillugit naalagaaffiit ilaasortat allat nalunaarfigissavai.

Imm. 3. Inuussutissarsiortup tunisassiani peqartuni Unionen-imi tamani niuerfinni pissarsiaqartilersinnaasai eqqarsaatigalugit pisariaqartumik aaqqiissuteqarnissaq inuussutissarsiortup qulakkiissavaa. Eqqussuisup namminersortup tunisassiap taassuma Unionen-imut nammineq atugassatur eqqutaa eqqarsaatigalugu pisariaqartumik iliuuseqarnissaq qulakkiissavaa.

Imm. 4. Inuussutissarsiortoq pineqartoq imm. 1 immikkoortut aappaanni piffissarititap iluani pisariaqartunik iliuuseqanngippat niuerfinnik nakkutilliinermi oqartussat tunisassiap nunami namminermi pisarineqarnissaa inerteqqutiginiarlugu killilerniarluguluunniit imaluunniit tunisassiap niuerfimmi tuninaqqujunnaarniarlugu utertinniarluguluunniit pisariaqartuni utaqqiisaasunik iliuuseqassapput.

Eqqussuisoq namminersortuq pisariaqartunik iliuuseqanngippat, niuerfinnik nakkutilliinermi oqartussat tunisassiap sumiiffimminni atorneqalernissaa inerteqqutiginiarlugu atorneqarneraluunniit inerteqqutiginiarlugu killilerniarluguluunniit utaqqiisaasunik pisariaqartunik tamanik iliuuseqassapput. Niuerfinnik nakkutilliinermi oqartussat Kommissionen-i naalagaaffillu ilaasortat allat iliuutsit taakku pillugit ingerlaannaq nalunaarfigissavaat.

Imm. 5. Paasissutissat imm. 4-mi pineqartut paasissutissanik pissarsiarineqarsinnaasunik tamanik imaqaassapput, pingaartumik tunisassiap piumasaqaatinik eqqortitsiviunngitsup suussusernissaa tunisassiap pingorfi, piumasaqaatit eqqortinneqanngitsutut oqaatigineqartut suuneri pineqartullu ajutoortitsisinnaanerat aamma nunami namminermi iliuutsit aalajangerneqartut suuneri sivisussusaalu isummallu inuussutissarsiortup eqqussuisulluunniit namminersortup saqqummiussai pillugit paasissutissat, niuerfinnik nakkutilliinermi oqartussat pingaartumik piumasaqaatit eqqortinneqannginnerannut pissutaasoq paasissutissiissutigissavaat.

1) tunisassiami nalunaarummi uani inuit peqqissusaat isumannaatsuunerallu pillugit piumasaqaatit imaluunniit pigisanik illersuineq pillugu piumasaqaatit eqqortinneqanngillat, imaluunniit

2) pitsaassutsit naleqqussakkat § 14-mi allaqqasut aamma piumasaqaatinik eqqortitsinermik ilimagisaqarnermut tunngaviusut amigaataapput.

Imm. 6. Naalagaaffiup ilaasortap paragraffi una naapertorlugu suliamik aallartitsisup saniatigut naalagaaffiit ilaasortat allat iliuutsit aalajangerneqarnikut pillugit aamma tunisassiami piumasaqaatit eqqortinneqannginnerat pillugu paasissutissaatit pillugit aamma naalagaaffimmi allami nunami namminermi iliuutsitut nalunaarutigineqartut isumaqatiginngikkunikkit Kommission-i aamma naalagaaffiit allat ingerlaannaq nalunaarfigissavaat.

Imm. 7. Naalagaaffik ilaasortaq aamma Kommission-i paasissutissat imm. 4-mi allaqqasut tiguinerisa kingorna qaammatit pingasut iluanni naalagaaffiup allap utaqqiisaasumik iliuusiinut maalaaruteqanngippata iliuuseq pissutissaqartutut isigineqassaaq.

Imm. 8. Naalagaaffiup ilaasortap tunisassiap pineqartoq eqqarsaatigalugu pisariaqartumik akimmisaarnartumik iliuuseqassaaq, assersuutigalugu tunisassiap tuniniaavimminni tuniniarneqarnera unitsillugu.

EU-mi illersuineq

§ 45. § 44, imm. 3 aamma 4-mi suliap ingerlanneqarnerata kingorna naalagaaffiup ilaasortap iliuusaa akerlilerneqarpat, imaluunniit nunami namminermi iliuuseq EU-mi inatsisinut akerliusoq Kommissioni isumaqarpat, Kommission-ip apeqquut naalagaaffinnut ilaasortanut imaluunniit inuussutissarsiortumut imaluunniit eqqussuisumut pineqartumut oqaloqatiginnissutigissavaa nunamilu namminermi iliuuseq nalilersorlugu. Kommission-i nalilersuinerup inernera tunngavigalugu inaarinerup uppersaataani aalajangiissaaq, tassani nunami namminermi iliuuseq tunngavissaqarnerisq tunngavissaqannginersorluunniit aalajangerneqassalluni. Kommission-ip aalajangiineq naalagaaffinnut ilaasortanut imaluunniit inuussutissarsiortunut imaluunniit eqqussuisunut namminersortunut suliamut attuumassuteqartunut tamanut ingerlaannaq nassiutissavaa.

Imm. 2. Nunami namminermi iliuuseq pissutissaqartutut isigineqarpat, naalagaaffiit ilaasortat tunisassiami piumasaqaatinik eqqortitsisoqanngimmat niuerfimmi tuniniarneqarunnaarnissaa qulakkeerniarlugu pisariaqartunik iliuuseqassapput Kommission-ilu tamanna pillugu nalunaarfigalugu. Nunami namminermi iliuuseq pissutissaqanngitsutut isigineqarput naalagaaffiup ilaasortap pineqartup iliuuseq atorunnaarsissavaa.

Imm. 3. Nunami namminermi iliuuseq pissutissaqartutut isigineqarpat tunisassiamilu piumasaqaatinik eqqortitsisoqannginnera pitsaassutininik naleqqussakkanik nalunaarummi matumani § 44, imm. 5, litra b malillugu amigaateqarnera pissuteqartinneqarpat, Kommission-ip peqqussummi (EU) nr 1025/2012-imi atikili 11-mi suliamik ingerlatsineq atussavaa.

Piumasaqaatit eqqortinneqannginnerat

§ 46. Naalagaaffiup ilaasortap pissutsit uku paasippagit inuussutissarsiortoq imaluunniit eqqussuisoq namminersortoq piumasaqaatit eqqortinneqannginnerat § 44-mut sunniuteqanngitsumik aaqquissuullugu peqqussavaa:

- 1) § 16,17 imaluunniit 18-imi pineqartumik CE-mik meqqiliisoqarsimanngitsaq.
- 2) EU-mi piumasaqaatinik eqqortitsinermik nalunaarut imaluunniit nalunaarut ilanngussaq III-mi pineqartoq suliarineqarsimanngitsaq.
- 3) EU-mi piumasaqaatinik eqqortitsinermik nalunaarut imaluunniit nalunaarut ilanngussaq III-mi pineqartoq eqqortumik suliarineqarsimanngitsaq
- 4) Teknikkikkut uppersaataat pissarsiarineqarsinnaanngitsaq tamakkiisuunngitsorluunniit.
- 5) Paasissutissat § 7, imm. 6-imi imaluunniit § 9, imm. 3-mi aalajangersarneqartut amigaateqartut, kukkusut tamakkiisuunngitsulluunniit.
- 6) Allaffissornermi piumasaqaatit allat § 7-imi imaluunniit § 9-mi aalajangersarneqartut eqqortinneqanngitsut.

Imm. 2. Imm. 1-imi pineqartunik piumasaqaatinik eqqortitsinnginneq suli pineqarpat, naalagaaffiup ilaasortap pineqartup tunisassiaq killilerniarlugu tunisassialluunniit niuerfimmi pissarsiarineqarsinnaanissaa inerteqqutiginiarlugu imaluunniit niuerfimmit utertinneqarnissaa qulakkeerniarlugu imaluunniit tunisassiaq eqqussuisumit namminersortumit nammineq atugassatut eqqunneqartoq pineqarpat taassuma atorneqarnissaa inerteqqutiginiarlugu killilerniarluguluunniit tamanik pisariaqartunik iliuuseqassaaq.

Kapitali 7

Inatsisini malittarisassiorsinnaatitaaneq aamma piviusunngortitsinermi inatsisini malittarisassat

Inatsisini malittarisassiorsinnaatitaaneq

§ 47. Kommission-i ukunani allannguutit pillugit § 48 naapertorlugu inatsisini malittarisassiorsinnaatitaavoq:

- 1) Teknik-kikkut ilisimasani aamma ilisimatusarnermi paasisanik nutaani ineriartortitsineq sianiginarlugit:
 - a) Ilanngussaq I, immikkoortoq B, immikkoortut 2.3, 2.4, 2.5 og 3, aamma immikkoortoq C, immikkoortoq 3.
 - b) Ilanngussat VII aamma IX.
- 2) Ilanngussaq V teknikkikkut ilisimasat ineriartortinneqarnerat, naapertuuttuunissaq ilisimatusarnermilu paasisat nutaat naammattumik qulakkeerneqarnissaat mianeriniarlugit.

Inatsisini malittarisassiorsinnaatitaanerup ingerlannera

§ 48. Kommission-i piumasaqaatit paragrafimi uani piumasaqaatit atorlugit inatsisini malittarisassiorsinnaatitaavoq.

Imm. 2. Kommission-i piffissami ulloq 17. januar 2014-imit ukiuni tallimani inatsisini malittarisassiorsinnaatitaavoq. Kommission-i inatsisini malittarisassiorsinnaatitaaneq pillugu piffissap ukiut tallimat naanissaa kingusinnerpaamik qaammatit qulingiluat sioqqullugit nalunaarusiussaaq. Inatsisini malittarisassiorsinnaatitaaneq Europa-Parlament-ip imaluunniit Råd-ip piffissat ataasiakkaat naanissaat kingusinnerpaamik qaammatit pingasut sioqqullugit akerliliinngippata piffissap sivisoqataanik akuersinertaqanngitsumik sivitsorneqassaaq.

Imm. 3. § 47-mi inatsisini malittarisassiorsinnaatitaaneq Europa-Parlament-imit imaluunniit Råd-imit qaqugukkulluunniit atorunnaarsinneqarsinnaavoq. Inatsisini malittarisassiorsinnaatitaanermik atorunnaarsitsineri inatsisini malittarisassiorsinnaatitaanerit aalajangikkami pineqartumi allassimasut atorunnaassapput. Aalajangiinerup Den Europæiske Tidende-mi imaluunniit piffissami kingusinnerusumi aalajangikkami allassimasumi tamanut saqqummiunneqarata aqaguani atuutilersinneqassaaq. Tamassumani inatsisini malittarisassiat atuutilersinneqareersut atuukkunnaassanngillat.

Imm. 4. Kommission-ip inatsisini malittarisassat akueriniariarpagit, peqatigitillugu Europa-Parlament-ip aamma Råd-ip tamanna pillugu nalunaarfigineqassapput.

Imm. 5. Inatsisini malittarisassiaq § 47 naapertorlugu aalajangerneqartoq aatsaat Europa-Parlament-ip imaluunniit Råd-ip, inatsisini malittarisassiaq pineqartoq pillugu Europa-Parlament-ip imaluunniit Råd-ip nalunaaruteqarnermi piffissarititap qaammatit marluk iluanni akerliliinngippata imaluunniit Europa-Parlament-ip aamma Råd-ip piffissarititap taassuma naannginnerani marluullutik akerliliiniarnatik Kommission-i ilisimatippassuk atuutilersinneqarsinnaavoq. Piffissarititaq Europa-Parlament-ip imaluunniit Råd-ip suliniuteqarnerisigut qaammatinik marlunnik sivitsorneqarsinnaavoq.

Piviusunngortitsineri inatsisini malittarisassat

§ 49. Kommission-i teknik-kimi ilisimasat ineriartortinneqarnerat mianeriniarlugit aamma malitassiap 2013/53/EU-p assigiiaartumik atorneqarnissaa qulakkeerniarlugu uku pillugit piviusunngortitsineri inatsisini malittarisassiorsinnaavoq:

- 1) Immikkut pisariaqartitat tunisassiat malitassiami 2013/53/EU-mi ilaasuni naapertuutissusermut naliliinermut atatillugu eqqortinneqartussat mianeralugit § 24-mik atuutilersitsineri suliamik ingerlatsinerit immikkuualuttortallit.
- 2) Immami angallatit sanaat suunerisa ilanngussaq I, immikkoortoq 1-imi allaqqasut immikkuualuttumik atorneqarnerat, tassunga ilanngullugit sila pillugu taaguutit uuttuinnermilu skala-p tassani atorneqartup atorneqarnera.
- 3) Immami angallatit ilisarnaasiinerit immikkuualuttut, tak. Ilanngussaq I, immikkoortoq A, immikkoortoq 2.1, tassunga ilanngullugu taaguutinik erseqqissaaneq aamma tunisassiorturnit ilisarnaasiinermik tunisassiorturnut Unionen-p ataani pilersinneqartunut nalunaarutigineqartunik tunniussineq allaffissornermilu aqutsineq.

4) Tunisassiorup pladia pillugu paasissutissat, tak. Ilanngussaq I, immikkoortoq A, immikkoortoq 2.2.

5) Angallammi qaammaqqutit pillugit aalajangersakkat atorneqarnerat, tak. Ilanngussaq I, immikkoortoq A, immikkoortoq 5.7.

6) Aniatitsinerup pinngitsoortinnissaanut atortut, pingaartumik tankinik uninngatitsivinnik suliaqarneq eqqarsaatigalugu, tak. Ilanngussaq I, immikkoortoq A, immikkoortoq 5.8.

7) Immami angallatini atortunik gassitortunik ikkussuineq misileraanerlu aamma atortut gassitortut aalajangerlugit ikkussukkat.

8) Atuakkat ilitersuutit angissusiat imarisaallu.

9) Nalunaarusiornermi immersugassat naalagaaffiit ilaasortat immersugassaasa angissusiat imarisaallu, tak. § 51.

Imm. 2. Piviusunnortitsinermi inatsisini malittarisassat taakku § 50, imm. 3-mi misissueriaaseq malillugu akuerineqassapput.

Imm. 3. Kommissionen-i imm. 1, litra a, b, e, f aamma g eqqarsaatigalugit tunisassiaq inuit peqqissusiannut isumannaatsuunerannullu, pigisanut avatangiisinullu annertuumik ajoquseeriataarsinnaappat § 50, imm., 4-mi suleriaaseq malillugu atuutilersitsinermi inatsisini malittarisassanik ingerlaannaq atuutilertussanik aalajangiissaaq.

Ataatsimiititaliap sulianik ingerlatsinera

§ 50. Kommissionen ataatsimiititaliamit ukiorneqassaaq. Ataatsimiititaliaq taanna tassaavoq, ataatsimiititaliaq peqqussut (EU) nr. 182/2011-mi pineqartoq.

Imm. 2. Immikkoortumut tassunga innersuussisoqarpat peqqussut (EU) nr. 182/2011-mi artikili 4 atorneqassaaq.

Stk. 3. Immikkoortumut tassunga innersuussisoqarpat peqqussut (EU) nr. 182/2011-mi artikili 5 atorneqassaaq

Stk. 4. Immikkoortumut tassunga innersuussisoqarpat peqqussut (EU) nr. 182/2011-mi artikili 8 tassani artikili 5-imut sanilliullugu atorneqassaaq.

Imm. 5. Kommissionen-p peqqussummi (EU) nr. 1025/2012-mi imaluunniit EU-mi inatsisini allani immikkoortumi immikkut ilisimasallit tusarniaaffiginissat pisariaqarpat ataatsimiititaliaq apeqputini tamani tusarniaaffigissavaa.

Imm. 6. Ataatsimiititaliap aamma malitassap 2013/53/EU-p atorneqarnera pillugu apeqputit allat tamaasa ataatsimiititaliap siulittaasuata imaluunniit naalagaaffiup ilaasortap sinniisuata apeqputigisai suleriaatsini naapertorlugu misissorsinnaavai.

Kapitali 8

Allaffissornermi aalajangersakkat immikkut ittut

Nalunaarusiat

§ 51. Naalagaaffiit ilaasortat malitassaq 2013/53/EU-p atorneqarnera pillugu spørgeskema Kommissionip suliarisaa kingusinnerpaamik ulloq 18. januar 2021 tamassumalu kingorna ukiut tallimakkaarlugit immersussavaat.

Imm. 2. Kommissionen.-p naalagaaffiit ilaasortat spørgeskemami imm. 1-imi taaneqartumi akissutaat tunngavigalugit malitassap 2013/53/EU-p atorneqarnera pillugu kingusinnerpaamik 18. januar 2022 tamassumalu kingorna ukiut tallimakkaarlugit nalunaarusiussaaq, taannalu Europa-Parlament-imut aamma Råd-ip-mut saqqummiunneqassaaq.

Kukkunersiuineq

§ 52. Kommission-i uku pillugit Europa-Parlament-imut aamma Råd-imut kingusinnerpaamik ulloq 18. januar 2022 nalunaarusiusaaq:

1) Motorinit immami atorneqartunit aniatitsinerit annikilliseqqinnissaannut aamma aalat aniatitsinerannut ikummatissanullu atortut motoorit atortullu atorneqartut teknologini aningaasartuutikillisaaneq mianeralugu teknikkikkut periarfissat aamma niuerfinni suliniutit annertuut suulluunniit mianeralugit immikkoortumi nalit tamanut atuuttumik aalajangiinissamik pisariaqartitsineq.

2) Atuisunut tunisassortunullu sunniutit, pingaartumik, pingaartumik nunat tamat akornani assigiissarinerimik ineriartortitsineq mianeralugu anorip sakkortussusianut annertuumillu mallerneranut akiuussinnaassusiat tunngavigalugu immami angallatinik sanaartornermi immikkoortut ilanngussaq I-imi allaqqasut pillugit suliffeqarfinnut mikisunut akunnattumillu angissusilinnut. Nalunaarusiaq immami angallatinik sanaartornermi immikkoortut immikkoortitaaqqissanersut imaluunniit aggornilersoqqissanersut nalilersuinerimik imaqassaaq pisariaqarpallu immikkoortut ilaneqaqqinnissaannut siunnersuutinik imaqassalluni.

Imm. 2. Pisariaqarpat inatsisissatut siunnersuut imm. 1-mi nalunaarusiamut ilanngunneqassaaq.

Pineqaatissiissutit

§ 53. Naalagaaffiit ilaasortat pineqaatissiissutit pillugit aalajangersakkanik aalajangiissapput, tassunga ilanngullugit annertuumik unioqqutitsinerimik pinerluttulerinerimik pineqaatissiissutaasinnaasut, nunami namminermi aalajangersakkat nalunaarut una naapertorlugu akuerineqartut unioqqutitsinerimik atorneqartussat taakkulu atuutilersinneqarnissaasa qulakkeernissanut iliuusianik pisariaqartunik tamanik aalajangiineq.

Imm. 2. Pineqaatissiissutit sunniuteqassapput, unioqqutitsinerit annertussusiannut naapertuutissapput pinaveersaarissutaassallutillu aammalu inuussutissarsiortut imaluunniit eqqussuisut namminersortut nalunaarummik uuminnga siusinnerusukkut assinginik unioqqutitsisimappata sakkortusineqarsinnaallutik.

Kapitali 9

Naggasiilluni aalajangersakkat aamma ikaarsaariarneq pillugu aalajangersakkat

Atuutilersinnerat

§ 54. Naalagaaffiit ilaasortat malitassap 2013/53/EU-p eqqortinneranut inatsisit allaffissornermilu aalajangersakkat pisariaqartut kingusinnerpaamik ulloq 18. januar 2016 akuerissavaat tamanullu saqqummiullugit. Aalajangersakkanut taakkununga oqaasertat pillugit Kommission-i ingerlaannaq nalunaarfigineqassaaq.

Imm. 2. Naalagaaffiit ilaasortat aalajangersakkat taakku ulloq 18. januar 2016-imit atussavaat. Aalajangersakkat taakku akuersinerimik malitassamut 2013/53/EU-mut innersuussummik imaqassapput. Innersuussinnermut malittarisassat sukumiinerusut naalagaaffinnit ilaasortanit aalajangersarneqassapput.

Imm. 3. Naalagaaffiit ilaasortat nunami namminermi inatsimmi najoqqutassat immikkoortumi malitassami 2013/53/EU-mi ilaasunut aalajangerneqartut pingaarnerit oqaasertaat Kommission-imut nalunaarutigissavaat.

Piffissaq ikaarsaariarfik

§ 55. Naalagaaffiit ilaasortat tunisassiat malitassami 94/25/EF-imi ilaasut malitassamut taaneqartumut naapertuuttut aamma ulloq 18. januar 2017 sioqqullugu kaaviiaartinneqalersut atorneqalersulluunniit niuerfimmi pissarsiarineqarsinnaanerit atorneqarnissaallu ajoqusissanngilaat.

Imm. 2. Naalagaaffiit ilaasortat motoorit angallatip saneraanut ikkutat innaallannermik aallartinneqartut (SI- motoorit) 15 kW ataalluguluunniit sakkortussusillit ilanngussaq I, immikkoortoq B, immikkoortoq 2,1-imi aalajangersarneqartut motoorip eqqarnerani annertussutsimi I-imi sakkortussusaasa killinginut naapertuuttut aamma Kommissionen-ip piumasaqaataani 2003/361/EF-imi nassuiaaserneqartutut suliffeqarfinnit mikisunit akunnattumillu angissusilinnit sanaartorneqartut niuerfimmi pissarsiarineqarsinnaaner atorneqarsinnaaneralluunniit akornusissanngilaat

Pillaanermut aalajangersakkat

§ 56. Nalunaarummik uuminnga unioqutitsisoq akiliisitsinermik imaluunniit ukioq ataaseq tikillugu parnaarusnaanermik pillarneqassaaq.

Imm. 2. Aamma 1) Europa-Parlament-ip aamma Råd-ip niuerfinnik nakkutilliineq tunissianilu piumasaqaatinik eqqortitsineq pillugu peqqussutaanni (EU) 2019/1020 20. Juni 2019-imeersumi aamma allangortinnera pillugu peqqussummi 2004/42/EF-imi aamma peqqussummi (EF) nr. 765/2008-imi aamma (EU) nr. 305/2011-imi (niuerfinnik nakkutilliineq pillugu peqqussut) niuerfinnik nakkutilliineq pillugu peqqussummi inuussutissarsiortut taaneqartut pisussaaffinnik eqqortitsinngitsut,

2) niuerfinnik nakkutilliineq pillugu peqqussummi artikili 4 imm. 1 naapertorlugu piumasaqaataasumik piginnaatinneqartumik sinniisoqanngitsut imaluunniit niuerfinnik nakkutilliineq pillugu peqqussummi artikili 4, imm. 3 aamma artikili 5 naapertorlugit suliaasat suliarinissaannut pisariaqartunik piginnaatinneqartumik sinniisoqanngitsut akissaqanngitsulluunniit, imaluunniit

3) sinniisutut piginnaatinneqartutut niuerfinnik nakkutilliineq pillugu peqqussummi artikili 5, imm. 2 naapertorlugu piginnaatitsissutip assilineranik tunniussinngitsut

akiliisitsinermik imaluunniit ukioq ataaseq tikillugu parnaarusnaanermik pillarneqassaaq.

Imm. 3. Pillaaneq imatut pisoqarpat ukiut marluk tikillugit sivitsorneqassaaq

1) unioqutitsinermi toqusoqarpat peqqissuserluunniit ajoquserneqarpat taakkunaniluunniit ulorianartorsiortitsisoqarpat,

2) taakkununnga pissutsinulluunniit assinginut siusinnerusukkut inerteqquteqartoqarsimappat peqqussuteqartoqarsimappalluunniit, imaluunniit

3) pineqartoq nammineq allalluunniit unioqutitsinermi aningaasatigut iluaqusertoqarsimappat tamannaluunniit siunertaasimappat.

Imm. 4. Unioqutitsinermi pissarsianik unioqutitsinermi pissarsiarineqartunik arsaarinnittoqanngippat, tassunga ilanngullugu ilassummik akiliisitsinermik, annertussusiliinermi aningaasanik iluaqusernerup annertussusia immikkut isiginiarneqassaaq,

Imm. 5. Ingerlatseqatigiiffiit il.il. (inatsit naapertorlugit inuttut isigineqartut) pillaasarneq pillugu inatsimmi kapitali 5-imi malittarisassat malillugit pillarneqarsinnaapput.

§ 57. Pissuseq immami isumannaallisaaneq pillugu inatsisip allangortinnera pillugu inatsisip Kalaallit Nunaannut atuutilersinneqarnera pillugu peqqussummut ilaappat, Kalaallit Nunanni pinerluttulerineq pillugu naapertorlugu pineqaatissiinernik aalajangiisoqarsinnaavoq.

Imm. 2. Pissutsit § 56, imm. 3-mi taaneqartut sakkortusisamik pissutsitut isigineqassapput.

Imm. 3. Kalaallit Nunaanni pinerluttulerineq pillugu inatsimmi § 120 naapertorlugu pissarsianik unioqutitsinermi pissarsiarineqartunik arsaarinnittoqanngippat, tassunga ilanngullugu ilassummik akiliisitsinermik, annertussusiliinermi aningaasanik iluaqusernerup annertussusia immikkut isiginiarneqassaaq,

Imm. 4. Ingerlatseqatigiiffiit il.il. (inatsisit naapertorlugit inuttut isigineqartut) unioqutitsippata inatsit malillugu inuttut isigineqartoq pinerluttulerineq pillugu kapitalit tallimaanni malittarisassat malillugit akiliisinneqarsinnaavoq. Naalagaaffik, Namminersorlutik Oqartussat, kommuni imaluunniit nunaqarfinni aqutsisut unioqutitsippata, pisortani oqartussaqaarfik pineqartoq akiliisinneqarsinnaapput.

Imm. 5. Pineqartoq Kalaallit Nunaanni najugaqanngippat imaluunniit Kalaallit Nunaanni inuiaqatigiinnut atassuteqarnera pineqaatissiinermik atuineri tunngaviusinnaanngippat, suliaq Danmarkimi suliarineqarsinnaavoq eqqartuussinissamulluunniit innersuunneqarsinnaalluni.

Atuutilersitsineq

§ 58. Nalunaarut ulloq 1. januar 2026 atuutilersinneqarpoq.

Imm. 2. Sunngiffimmi angallatit aamma nammineq angallatit pillugit nalunaarut nr. 1689, 15. December 2015-imeersoq atorunnaarsinneqarpoq.

Søfartsstyrelsen-i, ulloq

/

Ilanngussaq I